


INSTRVCTIONES AD PROVINCIALES ET SVPERIORES SOCIETATIS.

*Auctoritate Congregationis VII.
vt Directiones tantum,
seorsim impressæ.*



ANTVERPIÆ,
Apud IOANNEM MEVRSIUM.
M. DC. XXXV.

SVPERIORVM PERMISSV.



SVPERIORIBVS³ SOCIETATIS.



CONTRACTIS paucis è
multis Inſtructionibus
tam à P. N. Claudio
p. m. quam à Patribus
in VI. Congregatione
deputatis, conſcriptis; reductiſque in
librum Ordinationum, quæ vim Legis
habeant in poſterum; quæ reliquæ
erant, intactas cenſuit VII. Congre-
gatio retinendas eſſe, ac ſeorſim im-
primendas, ad Superiorum directio-
nem, quibus non parùm in ſuâ gu-
bernatione iuuarentur, quales ſunt In-
dustria, & alia id genus, tum ob mul-
tiplicem rerum pulcherrimarum va-
rietatem, ex quarum lectione non exi-
guus fructus ſperatur, tum ob me-

*moriam tanti viri, tamque de Uni-
uersâ Societate benè meriti, à quo sa-
pientissimè prodierunt. Faxit Diuina
Bonitas rectam hanc viuendi iuxta
Institutum viam sequamur omnes.
Romæ 2. Februarij 1616.*

Bernardus de Angelis
Secretarius Societatis I E S V.

INDEX

INSTRVCTIONVM.

1	A D renouationem Spiritus. pag.	6
2	Pro Concionatoribus.	10
3	Pro Confessariis.	15
4	Ad occupationes varias.	24
5	De notitiâ habitâ per confessionem.	29
6	Pro Nouitiis.	30
7	Pro Scholasticis Societatis.	34
8	Pro Coadiutoribus temporalibus.	36
9	De litteris ad P. Generalem.	39
10	De Praefecto spirituali.	47
11	De ratione conscientiae.	55
12	Pro missionibus.	58
13	Pro renouatione Spiritus.	65
14	Pro Concionatoribus.	81
15	Pro Confessariis & omnibus Sacerdotibus.	82
16	Pro Nouitiis.	82
17	Pro Scholasticis.	90
18	Pro executione vrgendâ.	94
19	De promouendis ad gradus.	100
20	Pro studiis promouendis.	101
21	Pro visitatione Prouincialis.	105

INSTRVCTIO I.

Ad renouationem Spiritus.

*De promo-
mendis ad sa-
cros Ordines.*



I VAMVIS ex constitutioni-
bus nostri scholastici ad Sacer-
dotium ordinariè circa finem
studiorum promouendi esse
videantur; quia tamen Sacer-
dotes fieri non expedit eos, qui non benè in
spiritu profecerint (cùm post Sacerdotium
longè difficiliùs, si opus fuerit, à Societate di-
mittantur) cauendum est omnino, ne deinceps
qui in spiritu & religiosis virtutibus non benè
profecerunt, aut in vocatione stabiles & firmi
non sunt, ad Sacerdotium promoueamur, etiã-
si suæ bonæ existimationis iacturam, nisi ordi-
nentur, obiciant. Quare seruanda diligenter
est à Prouincialibus Instructio de ordinandis
data anno 1576. & in Consultationibus, quæ
de promouendis ad ordines fiunt, quæ in eâ
Instructione præscribuntur, diligenter exami-
nentur; & illud præcipuè accuratè discuti-
tur, quod ad profectum spirituales promo-
uendorum attinet: moneanturque à Prouin-
cialibus Consultores, vt ad Præpositum Ge-
neralem scribant, utrùm hæc ordinatio exactè
seruetur.

2 Quoniam loci mutatio plerumque mo-
rum

rum mutationem non facit, idè qui in aliquo Collegio malè se gerit, non mittatur, si fieri potest, ad aliud, nisi priùs iuuetur, vbi deliquit; etiam si spes aliqua sit ex eâ mutatione, cum qui mutatur profecturum. Si quando tamen Superiori videbitur, aliquem aliò amandandum; mittatur etiam integra & prudens instructio de moribus eius qui mittitur, ad Superiorem eius loci, ad quem is à Prouinciali destinatur; vt hac ratione melius regi, & in Domino iuari possit.

3 Nostri iter agentibus, vt de necessario viatico debitâ cum caritate est prouidendum, ita nullâ ratione permittendum est, vt pecuniâ illis detur ad superflua coëmenda, & quæ Religiosæ paupertati minimè congruunt, vt sunt curiosa & pretiosa: & multò minùs, vt ab externis, seu consanguineis, cum ædificationis iacturâ, conquiratur.

4 Vt paupertatis puritas, & perfectio diligentius à nostris acquirantur, vigilandum à Superioribus est, ne quid in Societatem introducatur, quod vel huic paupertatis perfectioni aduersetur, vel proprietatem aliquam sapiat. Quarè vt abusus superfluarum commodatum, si quis est, penitùs tollatur; curent diligenter Superiores, vt omni necessitati, habitâ ratione personarum, debitâ cum caritatis significatione, prouideatur. Ex quo præter multa alia, illud in primis sequetur commodum,

Quando loco mutandi, & quomodo.

De viatico, &c. pro iter agentibus.

Interdicitur superfluum rerum usus.

dum, ut eâ ratione facilius superflua, & quæ proprietatis speciem habent, tolli possint. Quâ in re antiquiores & grauiores Patres, & Superiores etiam ipsi, omnibus præluere debent exemplo.

Abusus vestium in cubiculo.

5 Tollendus videtur ille abusus, ut aliàs ordinatum est, ne scilicet in nostrorum cubiculis duplices vestes habeantur; sed apud vestium custodem, ut est communis Societatis consuetudo, seruentur: quod etiam de alijs rebus, quæ in usu non sunt, qualia sunt instrumenta quædam ad iter agendum, & his similia, intelligendum est.

Nihil à cognatis, vel amicis accipiendum pro lectionibus scribendis.

6 Et si Regula 90. Prouincialis cauetur, ne quidquam nostri à cognatis vel amicis accipiant; quia tamen videmus paullatim non leuem abusum in hoc irrepisse, cum nostri, præsertim Scholastici, non raro ob describendas ab externis scriptoribus lectiones, cum eas ipsi ob infirmam valetudinem scribere non possunt, pecuniam conquirant; quâ occasione in alios etiam vsus non necessarios sæpè conuiuentibus immediatis Superioribus, illam expendunt; ut in posterum omnis talium rerum occasio præcidatur, nullâ ratione permittant Superiores, pecuniam à quopiam è nostris ad tales vel similes vsus conquiri vel accipi. Quod si quis iudicio Superioris, qui necessitatem intueri debet, indigeat lectionum descriptione; id fiat pecunijs Collegij, in quo

Quomodo Superiores indigentibus prospiciant.

quo ille habitat. Quam ob caussam Prouincialis curet, aliquam pecuniæ summam illi Collegio applicare, ne his expensis extraordinariis nimium grauetur.

7 Nullâ ratione permittatur, vt nostri apud se habeant & secum ferant quædam, quæ pauperibus, quales nos sumus, minimè conueniunt: vt sunt horologia rotata, & affabrè facta; Reliquiaria valdè curiosa, & pretiosa; imagines item multi valoris, & similia. *Curiosa & pretiosa interdiciuntur.*

8 Ne paupertatis sanctæ custodia, quæ plurimum cordi nobis esse debet, vllâ ex parte violetur; tollatur abusus ille, qui apud aliquos, vt audimus, irrepsit; qui rei deformitatem fortè non attendentes, in libris, quos de Superiorum licentiâ apud se habent (qui tamen pauci esse debent, & certi quidam) inscribunt *Ad vsu talis*, &c. qui loquendi, vel inscribendi modus vel prorsus inutilis est, vel si aliquid efficiat, vt scilicet Superiores de huiusmodi libris minùs liberè disponant; paupertatis perfectioni & puritati apertè repugnat: cùm non tantum in rerum dominio, sed in illarum vsu etiam paupertas plerumque lædi possit. In iis igitur libris, qui communiter à Superioribus cuicumque conceduntur; & asportari communiter solent (vt sunt Constitutiones, vel illarum Summarium, Ioannes Gerson, vel similis aliquis pius libellus, Officium B. Virginis, & Sacerdotibus Breuiarium, *Abusus proprius librorum.* *Quinam permittendi.*

rium, Diurnum, nonnullis etiam Bibliorum exemplar, & Summula aliqua Casuum, & his similes) nihil inscribendum est. Reliquis vero libris, qui alicui conceduntur à Superioribus; vel permittitur, ut eos emi curet (quos tamen in unum, vel aliud Collegium asportare non licet) inscribendum tantum est nomen ipsius Collegij vel Domus, cui sunt applicati.

INSTRUCTIO II.

Pro Concionatoribus Societatis.

In virtutibus bene fundentur.



CVM Concionatorum munus tanti momenti sit, & ex præcipuis, quæ Societas ad proximorum salutem procurandam exercet; diligenter à Superioribus curandum est, ut qui ad hoc munus talentum à Domino acceperunt, bene ab ipso etiam studiorum tempore in hunc finem instituuntur, ut possint suo tempore illud bene ad Dei gloriam, & proximorum salutem fructuosè exercere. Quare si qui perspiciuntur huiusmodi esse, in humilitate & ceteris virtutibus bene fundentur, quò tutius id muneris exequi suo tempore possint. Nullà ratione autem sinantur concio-

concionibus aliorū describendis tēpus terere.

2 Quoniam verò Scholaſtici noſtri in do-^{Quomodo}
meſticis concionibus frequenter exercentur,^{formandi.}
non ſolū ob varias vtilitates, ſed etiam vt huic
muneri publicè & ad populum ſuo tempore
præſtando aſſueſcant; in priuatis concionibus,
quæ in Reſectorio haberi ſolent, non tantū
ea, quæ ad Religioſos propriè ſpectant, tracta-
ri poterunt; ſed interdum etiam illa, quæ ad
populi ædificationem facere cenſentur: nimi-
rum ſi Chriſtianæ virtutes, vt eleemoſyna, ca-
ritas in proximum, & ſimilia proponantur: vi-
tia item, vt ambitio, avaritia, ira, & alia huius-
modi vituperentur. Hæc autem ita explicari
poterunt, vt non quaſi ad Religioſos tantū,
ſed veluti ad populum etiam & ad ſeculares
homines ſermo dirigeretur.

3 Ad Præſectum concionum pertinebit, ^{In argumen-}
thema ſeu argumentum iis, qui concionatu-^{to tractando}
ri ſunt, deſignare; ac pro eorum captu vnum,^{à Præſecto}
aut alterum, aut plures etiam Auctores, qui ^{docendi ſunt.}
illud argumentum benè tractarunt, aſſignare:
vt ex eorum lectione illi materiam eliciant, ex
quâ ſuam poſteà concionem, iuxta cuiusque
propriam inuentionem, componant: ac de-
nique viam illis aperiat, prout neceſſe cuique
fore perſpexerit, ad benè diſſerendum de ar-
gumento, quod tractandum aſſumunt. Con-
ueniet etiam iis, qui concionaturi ſunt, tem-
pus aliquod concedi, iuxta Superioris arbi-
trium,

trium, in quo commodè parare se possint: quod ut multum esse non debet, ne nimium à studiis distrahantur, ita modicum esse non expedit, ne imparati ad concionandum accedant. Quare propter varias occupationes, quibus Scholastici distinentur, à quibus propter concionem eximi non debent, biduo saltem antè monendi erunt.

*Quomodo
exercendi.*

4 Ad hunc finem, in præcipuo præsertim Prouinciæ Seminario, benè exercitatus è nostris aliquis concionator Præfectus concionum constituendus est: qui & exemplo suo, & pro curâ hac sibi demandatâ, nostros diligentius exerceat, præcipuè verò tertio & quarto anno Theologiæ: & post singulas conciones liberè & amanter eosdem priuatim (re prius, si videbitur, collatâ cum Superiore, aut huius iudicio cum aliis Patribus) moneat, in quo defecerint, quoad vocem, gestus, & alias boni concionatoris partes: idque illi in proximâ concione emendare studeant; iudiciumque Præfecti de emendatione factâ, aut non factâ, iterum intelligant, donec bonum habitum induant. Commendabit verò, condemnabitque tum Superior, tum Præfectus, quæ commendatione aut condemnatione digna videbuntur. Alij verò, ad quos hoc non pertinet, minimè permittantur, nec facilè & immodicè eos laudare, nec liberè carpere.

5 Ut tunc cum fructu iuxta ipsorum finem fiant,

fiant, præficiendus illis omnino erit, qui in concionandi ratione eos qui tonos faciunt, benè & prudenter instruere possit: idque suauiter ipse præstabit, antequàm è suggesto illi abeant, commendando quoque subinde quæ oportet. Vtilitas verò è tonis maior speratur, si quadrante horæ circiter ij præmoneantur, qui eos facturi sunt, themate illis assignato.

6 Non est existimandum, ad eundem concionandi modum, vel vnus celebris concionatoris imitationem nostros adigendos esse, vel adigi etiam posse: communia verò documenta ad proprium, quem quisque à naturâ habet concionandi modum & facultatem accommodanda sunt; cum variâ sit hominum conditio. Monendi igitur omnes sunt, qui ad hoc munus instituuntur, ne alios in voce & gestu imitari studeant, quando id quod imitantur, quamuis bonum sit, naturâ consequi non possunt.

7 Qui concionandi talentum habuerint, si post absoluta studia scholastica duos annos ad ea repetenda, iuxta Reg. 52. Prouincialis, posuerint; post tertium annum probationis, antequàm concionandi munus suscipiant, priuato studio sacræ Scripturæ, & legendis Patribus, ac sanctæ meditationi saltem per annum vacent. At verò qui biennium ad repetenda studia non habuerint, per duos annos iis rebus incumbant. Vnde illud etiâ commodum sequetur, quòd tantopere aliorum concio-

*De tonis
cum fructu
faciendu.*

*Ab affectu
imitatione
arcenda.*

*Vacent sacra
Scriptura,
& legendis
Patribus
saltem per
biennium.*

concionibus describendis non inhiabunt.

*Quales esse
oporteat.*

8 Vt nostri concionatores fructuosius suum munus exequantur, meminerint Regulæ 2. concionatorum: & diligenter curent, vt in ipsis vigeat zelus animarum, caritas, orationis studium, & deuotio. Imò verò exercitia spiritua- lia subinde ab illis vltro & libenter repetita plurimùm ad hæc omnia proderunt. Caueant similiter ab iis, quæ & concionatores pluri- mùm distrahunt, & eorum studia impediunt; & spiritum ac deuotionem minuunt, vt sunt nimix familiaritates cum externis, eorundem visitationes, donaria, præsertim à feminis, fa- cilè admissa, & his similia.

*A quibus
cauendum.*

*Extra domos
ne concionen-
tur, qui ci-
bis Quadra-
gesima, &c.*

9 Quoniam verò nostri ad concionandum in Quadagesimâ extra Collegium interdum mittuntur, & accidere nonnumquàm potest, vt ij qui mittuntur, ob infirmam vel imbecil- lam valetudinem cibis Quadagesimalibus vesci non possint; ideò ad maiorem proximo- rum ædificationem melius fore iudicauimus, ne huiusmodi concionatores in posterum ex- tra nostras Domos in Quadagesimâ concio- naturi mittantur. Cum iis verò, qui in Domi- bus nostris concionantur, nemo in hoc dispen- set inconsulto Prouinciali, qui in huiusmodi dispensatione necessitatis, & maioris diuini obsequij rationem habebit. In victu verò & vestitu ea lautitia, illæ item singularitates & exemptiones, quibus alij meritò offendun- tur,

*Eorundem
frugalitas.*

tur, concionatoribus minimè concedantur.

10 Qui talenta ad concionandum ostendunt, præsertim rariora, non diutius quam par est in docendi munere tam humaniores litteras, quam Philosophiam & Theologiam detineantur: ne si secus fiat, quando in iis studiis penè consenuerint, tunc denum ad concionandum accedant.

Quemadmodum docebunt.

INSTRVCTIO III.

Pro Confessariis Societatis.

PRINCIPIÒ; quod habetur in Regula Prouincial. 100. de maturitate Confessariorum, id in primis curandum, vt multò maior ratio maturitatis habeatur in spiritu, moribus, & ædificatione: alioqui ætas, quæ conciliare etiam solet auctoritatem, non multum proderit. Prima ergo cura ponatur circa promotionem ad Sacerdotium, iuxta ea quæ dicuntur §. 1. ex Deputatione pro renouatione spiritus. Cauendum verò, ne spe futuræ emendationis adhibeatur hoc medium promotionis ad illos in spiritu iuuandos, nisi aliunde constet emendatio. Ad hæc quod præscriptum fuit anno 1590. §. 6. de biennio expectando recens ordinatis, ita seruetur, vt & illo tempore, & etiam post illud, antequàm ad mulie-

Maturitas in moribus, &c.

De promotione ad Sacerdotium.

Non nisi post biennium ad mulierum confessiones exponantur.

mulierum confessiones exponantur, occupentur virorum confessionibus audiendis: tum ut maioribus laboribus assuescant, & fructuosius ac latius occupentur; tum ut experiatur Societas, ecquid in hoc ministerio valeant; tum demum, ut hoc modo maturiores fiant, nec imparati accedant,

*Ad crates
mulieres audienda.*

2 Regula 15. Sacerdotum, ut ad crates mulieres audiantur, omnino seruetur, etiam in summâ frequentiâ, neque excusationes admittantur, etiam si sint puellulæ.

De non protrahendu colloquiu in confessionali.

3 Et quoniam plurima habet incommoda, si in confessionali longa protrahantur colloquia, omnino Regula 17. Sacerdotum exactè seruetur, ne de rebus ad confessionem non pertinentibus eo loco loquantur. Quòd si contingat de aliis rebus ad consolationem, vel utilitatem illarum esse loquendum; id non flexis genibus in confessionali, sed stando vel sedendo breuiter & modestè, demissis oculis (ut Regula dicit) fieri debet. Quare operæpretium erit, nonnulla loca patenua & decentia in aliquâ tèpli parte, pro ratione regionis, assignare, ad quæ feminæ accedant, ut nostros alloquantur: sic enim fiet, ut & colloquia breuius finiantur, & minùs frequenter accedant, cum pateat sermones illos non esse confessionem; & non offendantur alij, dum existimant, confessiones earum, quæ frequenter confitentur, ad eò in longum protrahi, & ut omnis occasio præci-

Extra confessionem in patenti loco colloquantur.

præcidatur. Si pœnitentes prætendant scrupulos, instruant illas Confessarij, ne historias narrent, & inutilia repetant; & interdum etiam ipsi sermonem abrumpant. Nam si verè scrupuli sunt, vbi id illis certò constet, nihil opus erit longas orationes audire. Quòd si agatur de meditationibus, & spiritualibus exercitiis, fiat id potiùs per spirituales libellos Granatæ, & aliorum, quos apud se legant. Et si in aliquo casu particulari aliter faciendum esset, id non fiat, nisi consulto Superiore.

Quid enim de scrupulis & spiritualibus Exercitiis agitur.

4 Seruetur etiam Regula 21. Sacerdotum. Curetur etiam, ne Confessiones generales excipiantur earum quæ semel generaliter alicui confessæ fuerant, nisi id exigeret manifesta necessitas Sacramenti ob confessiones inualidas. Quod tamen in huiusmodi rarò admodum probabile est posse contingere.

De generaliter audiendis.

5 Constituantur syndici non modò Æditi, & aliqui ex sociis, sed nonnulli proximi Sacerdotes, qui obseruent, & Superiorem moneant, tam de prolixis confessionibus, quàm de colloquiis, quæ extra confessionem protraherentur.

Syndici.

6 Quæ matutino tempore sunt confessæ, vel sequenti die manè confiteri debent, non permittantur à prandio accedere prætextu confessionis; sed si accesserint, Confessarij reiiciant in diem crastinum, si sunt communicaturæ; & si illo ipso die, quo accedunt, com-

Manè confessa non audiuntur à prandio.

municauerint, differant ad diem sequentis confessionis.

De socio secum retinendo. 7 Circa Regulam 18. Sacerdotum, de retinendo secum socio, omnino exactè seruandam, inuigilent Superiores diligenter, & acceptis his nostris conuocent omnes Sacerdotes, illisque tum alia quæ ad eos spectant, tum præcipuè litteras nostras legant, quas de hac re 15. Iulij anno 1585. ad Superiores dedimus. Iis verò, qui suas Regulas 15. 16. 17. & 18. non seruauerint, monitiones seriæ, & pœnitentiæ primâ vice iniungantur: & quamuis nobis non placuerit vniuersum præceptum imponere obedientiæ, vt id seruent, tamen alicui particulari, qui eo fræno indigebit, poterit, ac etiam debebit Superior id imponere. Quodd si id non seruare fuerint deprehensi, remoueantur statim à confessione feminarum, & nos moneamur, vt dispiciamus, an tales in Societate retinendi sint, vtpote qui in re graui, periculosâ, & tam seuerè iniunctâ parere noluerint. Quodd si locus vbi infirmæ iacent, ita angustus sit, vt per loci dispositionem fieri non possit, vt socius Patris adsit; cum primum Domum redierint, Superiorem moneant, vt is consideret, an secundò illuc redeundum sit, vel potiùs (in quod magis inclinamus) ea cura propriis Parochis relinquenda. Quod vt melius omnino seruetur, iniungitur Superioribus omnibus, vt in publicis exhortation-

Monendi.

Etiâ remouendi à confessione feminarum.

Quando locus infirmæ angustus est.

tationibus moneant omnes, quod quamuis ^{Publici Socij docendâ de hac regula.} nulla sit peculiaris regula, quæ socios moneat, ut ipsi Superiori significant cum redierint, an Sacerdos regulam seruauerit; tamen & ex nonnullis regulis aliis, & ex nostrâ hac peculiari ordinatione, socij & fratres omnes tenentur, Superiorem eâ de re verè & syncerè monere: quod si non fecerint, intelligant, nec suæ conscientiæ, nec Societatis bono se satisfacturos; & Superiores in eos, tamquàm in inobedientes esse animaduersuros. Sacerdotes verò, etiamsi maximè socij extra remanere vellent, nullâ ratione id permittere debent; tum ne illi otiosa colloquia cum aliis misceant, tum ne ipsi sint sine teste.

8 Circa Communionis frequentiam optandum est, ut seruetur Regula 26. Sacerdotum, ne crebrius, quàm octauo quoque die, &c. ^{De Communionis frequentia.} Sed quoniam in nonnullis ciuitatibus, vbi passim maior est communionis frequentia, & cum nonnullis personis, quæ ab aliquo tempore frequentius in hebdomadâ communicant, vix fieri poterit; saltem illud retineatur, ut in futurum nec Confessariis, nec Rectoribus liceat dispensare, nisi tantum Prouinciali, ut bis in hebdomadâ fieri possit. Cum iis verò, qui consuetudinem habent frequentius communicandi, curetur quod suauius fieri possit. Illud tamen non dubium est, si Confessarij serriò sibi persuadeant, id maiori proximorum

utilitati, Societatis bono, & ædificationi convenire; fore, vt cum vtrisque feliciter omnia transigantur.

De mulieribus inuisendis.

9 Et quoniam magnâ iacturâ temporis & fructus spiritualis in ministeriis, certè plusquàm oportet, mos inoleuit visitandi & salutandi; omnino necessarium duximus ad meliorem regulæ illius obseruationem, quæ de non inuisendis mulieribus agit (est autem 72. Præpositi, & 70. Rectoris) aliquid certius statuere. Et sanè extra casum necessitatis (qui esset, verbi gratiâ, in aliquâ infirmitate, aut luctu, aut morte aliquorum, pij alicuius negotij, & huiusmodi) rarò admodum spes ista magni fructus euenire potest. Quia tamen modus agendi Societatis, accepta beneficia, & declinatio rusticitatis cuiusdam non permittunt, vt hæc officia nostris omnibus interdican- tur, moderatione aliquâ opus erit. Hanc nos commodissimam hoc quidem tempore arbitrati sumus, vt habeatur ratio tum personarum, quæ inuisuntur, tum nostrorum, qui inuisunt. Itaque tria concurrere debent, vt aliqua digna existimeretur, quæ à nostris officij causâ inuisatur. Primùm, vt sit persona nobilis & primaria: neque enim omnibus deuotis cuiuscumque gradus id officij par est præstare: cùm satis possint in nostris ecclesiis, & confessionibus, & piis colloquiis, & iuari & instrui. Secundò, vt sit benemerita non

Tria requisita ad inuisendum.

non vulgariter de Societate. Tertiò, vt in domo illâ marito, cognatis, vel huiusmodi, id officij gratum potius quàm odiosum esse credatur. Ceterùm ne in designatione huiusmodi personarum errari contingat, volumus, cùm Prouincialis visitat singula Collegia, auditis Consultoribus designet eas, quibus sine *Persona designentur.* offensione, præter circumstantias iam dictas, id negari non debeat: ceteras omnes huiusmodi visitationes superfluas prohibeat. Nostri autè, qui id facere possunt, videntur eligendi quàm paucissimi, nimirum Superior, qui quasi publico nomine pro Collegio id exhibeat (ita tamè, vt valdè moderatè & circumspectè id faciat, vt aliis exemplo præluceat) & Confessarius; cum quo tamquàm Patre spirituali personæ, quæ visitandæ sunt, confidenter agere possint; qui si prohiberetur, maximè offenderentur. Ceteri verò, si quando expediat vt aliquis mittatur, non ipsis petentibus, sed Superiore suo nomine eos mittente, si fuerint viri serij, graues, & spirituales, poterunt interdum id præstare.

10 Prouinciales autem in Visitationibus diligenter inquirant, quomodò hæc omnia ser- *De iis omnibus Generali monendus.* uentur, & nos exactè moneant. Curent etiam, quod aliquando quibusdam litteris vniuersalibus commendauimus, vt occasione missionum Confessarij interdum mutantur; ne angustus sit fructus, si perpetuò cum nonnullis deuotulis occupentur.

*Ad hoc mu-
nus affecti
sint.*

*Trasertim
erga panpe-
res.*

11 Curandum, ut nostri Confessarij, iux-
ta Regulam Sacerdotum 8. multum affician-
tur ad hoc munus, ut proximis perneccellarium,
& nostri Instituti valde proprium: præcipue
verò inuigilandum, ne sint minus affecti mi-
nusque prompti erga homines pauperes aut
vulgares. Quod si hos refugere deprehende-
rint Præfectus Ecclesiæ, vel Æditui, omnino
Superiori significandum erit, ut Confessarium
officij seriò monere possit.

*Eorundem
minus &
spiritua.*

12 Curandum item diligenter, ne nume-
ro potius pœnitentium, quam fructu eorum
spirituali gaudeant; magisque solliciti sint, ut
ad veram contritionem pœnitentes promo-
ueantur, vitia emendent, in viâ spirituali di-
rigantur & promoueantur. Ac quoniam
in hac parte notabilis remissio ex spiritus, ac
zeli in Confessariis defectu aduertitur; de hoc
resuscitando elaborandum est: nec alia media
efficaciora videntur, quàm orationis, medita-
tionis, ac mortificationis studium, otij decli-
natio; moderata, & ex spiritu Societatis or-
dinata cum externis conuersatio; de spiritua-
libus rebus, & modo iuuandi animas cum do-
mesticis colloquutio, regularum omnium, ea-
rum præsertim, quæ de seminarum confessio-
nibus præscribunt, ut superius dictum est, ex-
acta observatio.

*Abusus tol-
lendi.*

Quare tollendi sedulo qui sequuntur abusus,
sicubi existant: plures horas dare pauculis fe-
minis,

minis, ut aliis ad confitendum locus non sit; alias confiteri volentes arcere, ne filia propria spirituales (ut vocari consueverunt) expectare cogantur.

13 Sicubi non est introductum, valde cupimus, ut introducatur, quod Romæ & alibi fit, si accurrentium frequentia id postulet; ut scilicet designati Sacerdotes statis diebus certis horis in templo resideant, ut qui confiteri volunt, ad manum habeant Confessarium. *Designentur in templo statis diebus.*

14 Quæsierunt nonnulli, quâ formulâ utendum esset nostris in absolutione ab excommunicatione, & aliis censuris, cum decima Regula Sacerdotum omnibus eandem præscribat. Respondimus, in foro quidem conscientia, quod frequens est, utendum formulis, quæ habentur in Directorio P. Polanci pæ mem. Sed in foro exteriori, quod rarissimè eueniet, si ex delegatione Prælatorum aliquando contingat, sequantur formulam in eo Episcopatu receptam. *De formulâ absolvendi à censuris, &c.*

15 Ad otium autem vitandum, & occurrendum quorundam nostrorum querimoniis, dicentium, in parvis aliquibus Collegiis non satis esse occupationum; quamvis nihil opus sit statuere aut ordinare, cum ex regulis, & constitutionibus, & formulâ Instituti satis constet, non deesse plurima, in quibus iuxta gratiâ nostræ vocationis occupari debeamus; tamen ut id Superiores quasi cōpendium præ

oculis habeant, non erit inutile, si quæ nobis à Prouinciâ Romanâ anno 1590. proposita fuerint, quorumque copia iam fuit transmissa, inspiciant; vt subditi iuxta Superiorum arbitrium & voluntatem, habitâ locorum, temporum, & personarum ratione, in iis exerceantur.

INSTRVCTIO IV.

Ad occupationes varias,

In quibus Sacerdotes operarij Societatis cum fructu exerceri, & tempus utiliter collocare possunt: à Congregatione Prouinciæ Romanæ anno 1590. propositas.

Et à R. P. N. Claudio Aquauiuâ Præposito Generali approbatas.



OMNES occupationes, quæ in Collegiis Societatis vel iam sunt, vel introduci possunt, ad tria capita reducuntur: primò ad spiritum: secundò ad studia: tertio ad proximos.

Pro spiritu, Quoad spiritum, in primis opportuna erit oratio, & meditatio extra illam horam assignatam à Regulâ, prout cuique deuotio suggererit, & quantum per caritatis & obedi-

dien-

dientię occupationes licuerit: dūmodò semper Confessarius, vel Superior consulatur. Oratio enim non solū faciet, vt benè & sanctè insumatur illud tempus, sed etiam expellet aliā viā otium, quia impellet ad agendum, & quærendos vltro proximos quos iuueamus. Atque in hoc capite non solū comprehenditur oratio ipsa, sed etiam lectio librorum spiritualium, & omnes eiusmodi spirituales mentis exercitationes in Deum.

2 Quoad studia, bonum est, vt nostri Sacerdotes paullo magis delectentur studiis, tum *In studiis,* ad otium vitandum, tum propter vtilitates *praesertim* quæ consequuntur. Et ideo non est res restrin- *Casuum con-* genda ad vnum tantū genus; sed possunt se- *scientia, oc-* exercere in pluribus. Primò & præcipuè in Ca- *cupatio.* sibus conscientiae: deinde in Scripturâ sacrâ, & sanctis Patribus; aliquando etiam legere historias Ecclesiasticas, & vitas Sanctorum. In quo etiam iuuerit, vt meliùs seruire possint quæ leguntur, conficere sibi compendium non modo Casuum, sed etiam selectorum exemplorum, quæ deinde sint vsui inter agendum cum proximis. Confert etiam plurimū, si sæpè legant, & præ manibus habeant librum Exercitiorum spiritualium, Directorium. P. Polanci, & Methodum iuuandi morientes. Sed tamen videndum est, ne occupentur in quibusdam studiis inutilibus, ex quibus vel nullus est fructus, vel quæ non sunt proportionata illo-

rum capacitati, quia sic amittitur tempus. Iu-
uabit etiam, vt sit maior copia librorum variij
generis in Collegiis. In particulari, quoad Ca-
sus conscientiae, fiant conferentiae exactè & di-
ligenter de rebus vtilibus & practicis, & prae-
uideantur materiae: quia si fiant vt debent, bis
in hebdomadâ, & hoc modo quo diximus,
erit hæc inter alia satis bona & vtilis occupatio.

*Zelus cum
proximu.*

3 Quoad tertium, de proximis, vix potest
deesse occasio, si quis velit, & habeat zelum.
Quare hoc præcipuè procurandum, vt nostri
conciant & foueant hunc zelum, ita propriū
nostri Instituti. Modi autem & occasiones iu-
uandi proximos multæ sunt, & ferè in omni-
bus locis sunt: vt docere Doctrinam Christia-
nam, tradere exercitia, & quærere & induce-
re homines ad ea peragenda, cum prudentiâ
tamen; visitare hospitalia & carceres; quære-
re eleemosynas pro iis qui sunt in carcere &
Xenodochiis; pacificare inimicitias, facere
conciones vel exhortationes in iisdem locis,
reducere eos qui sunt in malo statu, iuuare con-
fraternitates, vbi sunt, iuxta nostrum Institu-
tum, & vbi non sunt, introducere; adire scho-
las externorum, & in eis, consentientibus ludi
magistris, aliquas exhortationes habere: iu-
uentutem ad confessionem allicere, quamuis
melius sit curare, vt ipsi magistri per se hoc
faciant: visitare infirmos ad eos consolan-
dos, & spiritualiter iuuandos; quâ ratione iu-
uantur

*Modi iuuan-
di proximos.*

uantur etiam propinqui qui adsunt, & fiunt amici, & faciliè adduci possunt ad frequentanda Sacramenta. Pro hoc etiam confert, cùm proximi veniunt ad nostrum Templum, libenter eos admittere, & audire in confessione, etiam si cum aliquo nostro incommodo: & cùm occurrunt nobis in viis, inuitare eos qualibet occasione, vel leuis amicitiae, tum etiam parentes discipulorum nostrorum conciliare Societati. Iuuabit etiam facere interdum conferentias de modo iuuandi proximos, verbi gratiâ, infirmos, vel qui modus tenendus sit in pacificandis discordibus; aut in confessione quid remedij dari possit huic vel illi peccato. Prætereâ possunt fieri missiones ad loca vicina per duos aut tres dies hebdomadæ, ita vt redeât & adsint die Dominico. Iuuabit etiam, quod sit erga proximos, non facere casu, sed scienter & cum consideratione, animo repetendo, quomodò auditæ sint confessiones in particulari huius vel illius: quomodò remediû positum sit huic vel illi, qui indigebat: item, quo affectu, quo zelo, quâ patientiâ. Denique curandum esset, vt in omnibus locis vbi residet Societas, hoc intelligeretur, Societatis professionem hanc esse, vt præstò semper sit ad proximos; neque illi gratius quicquam esse posse, quàm ad hoc adhiberi omni horâ, in omnibus rebus consentaneis nostro Instituto. Hoc enim faceret, vt omnes ad nos libenter cõcurrerent.

*Conferentia
de modo viu-
uandis.*

*Observanda
à Superioribus.*

4 Sunt etiam quædam obseruanda à Superioribus; & primò, vt ipsi quoque, & quidem omnium maximè, ferueant zelo animarum, & eum præ se ferant, & sæpè animent suos, atque ipsis factis ostendant id sibi cordi esse, fouendo, & promouendo profectus proximi, & præbendo auxilium, quod possunt; & inter alia faciliè dando socium, quando petitur. Præterea ipsi quoque pro parte suâ faciant quod possunt, eundo interdum ad hospitalia, & ad moribundos: at si non eunt sæpius, constet non ire propter occupationes sui officij. Præterea non faciât ipsi quoque omnia per se, & præsertim nobiliores actiones, sed diuidant eas cum suis. At cum aliquis se excusat, quòd non possit, vel non habeat talentum, non faciliè admittant, sed animent, quia Deus concurrit & adiuuat. Tollant alias occupationes minùs vtilis, & quæ tempus præripiunt, animosque ab vtilioribus, necessariis, institutoque magis propriis auocant: cuiusmodi sunt excursions, visitationes, confabulationes cum externis, vel etiam cum nostris. Curent vt in omnibus Collegiis sit vnus saltem doctus, quia ille exercebit reliquos: & faciant, vt in Collegiis semper vigeant aliquæ bonæ exercitationes. Denique Superiores ipsi curent, non solum vt cum suis consultant de modo fugiendi otij, & quænam bonæ & aptæ exercitationes introduci possint; sed etiam inuigilent, vt his nostri

noſtri occupentur. Ipsi enim, cùm meliùs norint statum, & conditionem illius ciuitatis, & loci, in quo sunt; faciliùs poterunt inuenire, in quibus possint occupari.

INSTRVCTIO V.

De notitiâ habitâ per Confessionem,

Ne noſtri, vel Superiores, vel alij eâ vtantur, etiamſi vsus alioqui licitus foret.

A.R.P.N. Claudio Aquaiuiâ Præposito Generali tradita anno 1590.



AMETS I non defunt Doctores, qui sentiant saluo Sacramentalis confessionis sigillo, iustis de cauſis licere nonnumquàm Confessario (cùm id fieri poteit une vllâ reuelatæ confessionis suspitione) vti extra confessionem notitiâ per confessionem habitâ; tamen quoniam hæc doctrina, & eam exigit in tantâ re circumspectionem, quam seruare perdifficile sit; & interim posset aliquando retardare subditorum libertatem, quam huius fori sanctitas, & nostræ Societatis Institutum requirunt in se ipsis rebus-
que

*Citantur à
Dominico
Soto lib. de
Ratione se-
creti m. 3. q.
4. & à Na-
uar. c. Sacra-
menti de pe-
nit. d. 3. nu.
144. & seqq.*

*Interdicitur
huiusmodi
doctrina,
&c.*

que suis Confessario aperiendis; idcirco visum nobis est in Domino statuere, sicut & seuerè statuimus, pro reuerentiâ, quâ semper Societas nostra coluit huius Sacramenti inuiolabile sigillum, & libertatem; vt omnes Superiores diligenter caueant, ne vel ipsi, vel nostrorum aliquis, supradictam doctrinam vsquam introducant, nec illâ publicè aut priuatim doceant: nec eâ vtantur vilo modo (nisi fortè de pœnitentis licentiâ) sed ita prorsus in omnibus casibus nostri se gerant Confessarij, ac si in confessione nihil penitus audiuiissent; sibi que persuadeant, vt humanarum rerum regimen ab hoc Sacramento longissimè distat, ita debere nullatenus ab eo pendere.

INSTRUCTIO VI.

Pro Nouitiis Societatis.

*Delectus in
admittendo.*



VONIAM prima boni status Societatis origo in admittendis iis consistit, qui nostro Instituto congruunt; ideò Superiores, ad quos admittendi munus spectat, in admittendo non sint nimij, sed delectum personarum habeant: nec nostrorum, vel aliorum importunitate moueri se sinant: nec bona externa, vel nostrorum affinitatem, sed potius ad

ad nostrum institutum aptitudinem inadmittendis sequantur.

2 Postquam verò in Societatem admissi fuerint, curent Prouinciales, vt patronos non habeant, qui eos, licet ineptos, in Societate retineri curent: ac porro in dimissionis negotio Magistri Nouitiorum iudicium magni faciant: nec se in dimittendo difficiles exhibeant, cum id Nouitiorum Magister, causis adhibitis, proponet. Neque enim necesse est de cuiusque Nouitij dimissione inire consultationem; neque expectandæ sunt graues culpæ, ob quas Nouitius dimittatur.

3 Commendent etiam Prouinciales Nouitiorum Magistris, vt Exercitia spiritualia, *Quando Exercitia spiritualia faciendi.* iuxta eorum Regulas 23. 24. & 28. ab iis, qui Societatem ingrediuntur, fiant: & intelligant moderationem illam, quam Regula interdum concedit, non debere esse ordinariam, neque crebro vsurpandam: sed si quando hoc experimentum ob iustas rationes distulerint, non diu differant, cum hæc Exercitia primum & præcipuum locum inter experimenta sibi vendicent. Reliqua verò experimenta, præsertim Doctrinæ Christianæ, hospitalium, & peregrinationis exactè fieri curent, vt in eorum Regulis præcipitur.

4 Inadmittendis verò temporalibus Coadiutoribus, circa eorum qualitates, & numerum, seruent diligenter Prouinciales, quæ præscri-

*Quales Co-
adiutores tē-
porales ad-
mittendi.*

ſcribuntur in Conſtitutionibus p. I. c. 2. §. 2. & A. Animaduerrant prætereà, magnam cau-
tionem adhibēdam eſſe in iis ad hunc gradum
admittendis, qui aliquem in litteris progres-
ſum fecerint, vel qui milites fuerint, vel qui ſpe-
ciem nobilitatis, vel cōſanguineos nobiles ha-
beant, vel dominis ſecularibus in delicatis mi-
niſteriis inſeruierint. Prætereà non eſſe admit-
tendos homines planè rudes, & diſciplinæ in-
capaces; cūm ad miniſteria Societatis meliùs
obeunda, & ad res ſpirituales percipiendas,
bonæ capacitatis eos eſſe oporteat; cuiusmodi
eſſe ſolent qui legere & ſcribere norunt, vel ar-
tificio aliquod habent. Poſtquàm autem ad-
miſſi fuerint, inculcent ſæpius & diſertè (quod
& anteà in eorum admiſſione factum ſuppo-
nitur) eorum vocaſionem eſſe, ſubleuare ſuis
corporalibus laboribus eos, qui in vineâ Do-
mini in aliis functionibus occupati laborant.
Circa eos verò, præſertim dum in Nouitiatu
ſunt, diligens opera Magiſtri exercenda eſt, vt
inſtituantur in externâ & religioſâ politiâ, in
modeſtiâ, & modo decenti agendi, præſertim
cum externis, & ſimilibus.

*De quibus
inſtruendi.*

*Quando è
Nouitiatu
educendi.*

§ Vt ſcholæſtici è Nouitiatu educendi non
ſunt, niſi biennium abſoluerint; ita nullâ ra-
tione Coadiutores temporales è Nouitiatu
extrahendi ſunt, niſi per annum integrum in
eo fuerint, & benè ſatiſfecerint. In Collegiis
verò, donec biennium abſoluerint, aliquem
quaſi

quasi Magistrum in exercitationibus spiritua-
libus habeant; & cum ad vota simplicia sunt *Cum vota*
admittendi, saltem per mensem ad Nouitia- *faciunt.*
tum reuocentur, si commodè fieri poterit, &
non obftet loci distantia: alioqui in eodem lo-
co ubi sunt, per idem tempus se colligant, &
ad vota præparent. Nullo autem modo per-
mittant Prouinciales, vt ante finitum bien-
nium in publicis Aeditui, Ianitoris, & simili-
bus officiis, in quibus cum externis agitur, *In publicis*
exponantur. *officiis ne occu-
pentur.*

6 Curent etiam, vt eorum bona, qui in So-
cietatem ingrediuntur, integra, vt ipsi attule- *Eorum bona*
runt, ad finem biennij seruentur, si seruari ta- *usque ad fi-*
men possunt: ne illis diuenditis aut consum- *nem biennij*
ptis, eorum dimissio, si necessaria fuerit, diffi- *seruentur.*
cilior reddatur. Neque toto hoc tempore
quicquam exigatur in vsum Collegij vel Do-
mus Societatis ab eorum tutoribus aut paren-
tibus, quamdiu non sunt scholastici approbati;
vt cum maiori libertate in Domino possint iu-
uari, & corrigi, cum oportuerit.

7 Cum verò è Nouitiatu scholastici edu-
cuntur, vt ad studia mittantur, præmonendi *De quibus*
sunt à Nouitiorum Magistro, non mitti eos *monedi cum*
ad laxiorem vitam, sed vt per studia fiant a- *ad Collegium*
priora instrumenta ad Dei gloriam, & salutem *mittuntur.*
proximorum procurandam; ac proinde ita
debere studiis inuigilare, vt spiritus minimè
refrigescat.

INSTRUCTIO VII.

Pro Scholasticis Societatis.

*Sollicita &
studiosa
Scholastico-
rum educa-
tio.*

I



ON A Scholasticorum Societatis educatio magni momenti semper visa est, cum ex iis postea tum professi, tum etiam operarij proficiantur. Designandi sunt igitur illis non solum ij Superiores, qui eos in via Domini, & religiosâ perfectione probè instruant; sed boni etiam Confessarij, & Præfecti rerum spiritualium, qui suo munere benè & exactè fungantur. Quia etiam eos Præceptores ut habeant curandum est, qui non solum doctrinæ studiis eos excolant; sed bono etiam exemplo ad virtutem incitent.

*Ne cum externis
occur-
pantur.*

2 Vigilent itaque Superiores, ne assuescant Scholastici nimis colloqui cum externis, aut amicis & cum illis familiaritates habere, apud eos prandere; litteras, vel munera dare & accipere, nisi necessitas, aut recta ratio aliud suadeat. Constat enim his omnibus & similibus spiritum in nostris graviter lædi, & religiosæ perfectionis fervorem in teperescere.

*Patrocinio
non foveantur.*

3 Multò minùs permittendum est, ut scholastici Patres antiquiores nimis familiares, ac veluti Patronos apud Superiores habeant: & seniores ipsi moneantur, ut ab huiusmodi patroci-

trociniis, tam Scholasticorum, quàm aliorum
 è nostris quorumcumque sibi temperent, iuxta
 ea, quæ de vitandis huiusmodi intercessionibus
 præscripta sunt.

4 Proderit autem ad Scholasticorum spiri-
 ritualem profectum, veterè mortificationum *Mortifica-*
 consuetudinem tempore vacationum excita- *tionum vsue*
 re, propositis in hunc finem in tabellâ mortifi- *in vacatio-*
 cationum capitibus. Quin etiam expedire *nibus.*
 omnino videtur, vt qui in spiritu nimis relaxa-
 ti videntur, quò in eis spiritualis feruor exci-
 tetur, ad has, & Exercitia etiam spiritualia,
 suauiter, omnino tamen inducantur. Imò verò *Quomodo*
 hi, quando opus esse iudicabitur, à studiis ad *sepidiores*
 tempus, vel etiam simpliciter amouendi sunt, *inuandi.*
 vt meliùs in spiritu proficiant, & in virtutibus
 solidentur.

5 Nec minus operæ ponendum est à Superi-
 oribus, vt Scholastici nostri eam indifferen- *Indifferentia*
 tiam assequantur, iuxta Regul. 31. Summarij. *assuescere*
 vt scilicet à Superioribus se regi sinant, nec *discant.*
 sint solliciti, quid peractis studijs & tertio pro-
 bationis anno, sint facturi: solet enim plerum-
 que euenire, vt si aliter contingat, quàm animo
 conceperunt, non sine magnâ molestiâ, & spi-
 ritus iacturâ, perturbentur.

INSTRVCTIO VIII.

Pro Coadiutoribus temporalibus.

Ex deputatione, quæ de illis benè instituendis habita est in V. Congregatione Generali.

A.R.P.N. Claudio Aquauiuâ Præposito Generali iuxta eiusdem Cong. Decretum 98. recognita.

*Conseruandi,
& fouendi
in spiritu.*



Frequenter Superiorem, & Præfecti alioquin.

IRCA spiritualement Coadiutorum temporalium profectum, non tantum in Nouitiatu, vt dictum est, vigilandum est à Superioribus; sed multò magis curandum est, vt postquam è Nouitiatu educti fuerint, & vota post biennium emisierint, spiritum, quem probationis tempore acquisierant, diligenti curâ cōseruent. Quare non sinantur suo more aut arbitrio viuere, sed eos rerum spiritualium Præfecti, & ipsi etiam Superiores frequenter alloquantur, novos præsertim, & qui infirmiores sunt, & hoc cum tempore recreationis aliquando, tum verò

verò separatim, semel saltem in hebdomadâ, consolando eos & instituendo in iis quæ ad ipsorum statum pertinent; capita meditationis suggerendo, modum, ac fructum orationis exigendo, & tandem dirigendo, ubi opus fuerit.

2 Loco instructionis Doctrinæ Christianæ, quæ extra Nouitiatum ad Coadiutores haberi solet, si satis in eâ instructi existimentur, instituat, singulis hebdomadis spirituale colloquium, seu conferentiæ de rebus ad eorum exercitia & captum accommodatis. Quo tempore curandum erit, ut intelligant, quæ in seculo vilia aut etiam seruilia iudicantur, ea magni momenti, Deoque valdè cara esse in Religione, quandoquidem propter Diuinum eius amorem, & reuerentiam fiunt: nec solum mercedem illorum operum ipsos consequi, sed participes etiam esse ceterorum omnium bonorum operum, quæ Diuina bonitas per nostram Societatem operari dignatur; sicut etiam omnium Indulgentiarum, & spiritualium gratiarum, quas ceteri consequuntur. Plurimum autem conferet, id à Superiore ipso præstari, ad quem hæc cura maximè pertinet. Hoc enim officio sibi eos Superior deuinciet, dum se illos peculiari sollicitudine complecti & excolere ostendit; & ipsi vicissim apertè vident, se à Superioribus minimè negligi.

3 Quoniam multa possent euenire incommoda, si facilè Coadiutores soli permitteren-

*De quibus
singulis hebdomadis instituendi.*

Quinam sine socio incedere possint,

tur incedere; expedit omnino, ut quantum fieri poterit, semper comitati incedant. Si qui autem ob necessitates soli egredi permittuntur, ij maturi & graues sint, & tales à quibus nihil incommodi meritò timeatur. Socij autem Procuratorum, & Emptores, præterquam in iis quæ sunt officij eorum propria, soli non eant: feminas verò nulli soli adire permittantur. Si quando autem aliquid periculi timeatur, maturâ mutatione prouideatur.

Quales ad agros mittendi, & soli pernoctare non permittantur.

4 Qui ad vineas, agrosque procurandos mittuntur, sint ex iis, qui magis in spiritu & religiosâ disciplinâ profecisse cognoscentur. Neque vnquam soli in eiusmodi locis morentur, aut certè pernoctent, & quàm minimùm fieri potest in illis permaneant. Quòd si diutius, aut longiùs eos abesse oporteat, mutantur nonnumquam, aut identidem ad Collegium reuertantur, ut in utroque homine reficiantur. Ea verò, quæ per externos in his locis curari possunt, ad ea nostri ne adhibeantur.

Ne contemptus habeantur.

Peritis in arte credendum.

5 Ut quietè iuxta suam vocationem in Domo Dei laborent, seuerè caueant Superiores, ne in suis ministeriis à ceteris contemnantur: neque officia, quæ pro Dei amore exercent, illis à quopiam tamquam vilia & seruilia obiciantur. Præterea expedit, ut peritis in suâ cuique arte credatur, nec facilè illis etiam studio mortificationis contradicatur. Et tandem ad eam etiam pacem & tranquillitatem conseruan-

seruandam plurimum faciet, si à Ministris nimirum aliquando non vrgeantur.

*A Ministro
non supra
modum vr-
gendi.*

INSTRVCTIO IX.

De moderatione in dādīs litteris
ad Generalem adhibendâ.

*A. R. P. N. Claudio Aquauinâ Præposito Ge-
nerali diuersis subinde temporibus, an-
no demum 1599. aucta copiosius, ad Pro-
uincias missa.*



T S I magnâ afficior volupta-
te, si quàm sæpissimè meo-
rum Patrum, Fratrumque lit-
teras perlegam; estque per-
gratum omnes ad me, tam-

*Causa hu-
iusmodi In-
structionis
scribenda.*

quàm ad Patrem, magnâ fiduciâ confugere;
tamen auctis longâ die negotijs, auctâque Dei
beneficentiâ in dies latius Societate, longo-
iam vsu intelligo, in dandis ad nos litteris,
iustam aliquam moderationem esse statuen-
dam. Quod ni fiat, in tantam multitudinem
litterarum numerus excreset; vt, cùm ad
omnia rescribendum fuerit, rebus maioribus,
& quæ ad Societatem spectant vniuersam,
in quibusque transigendis versari debet Præ-

positi Generalis industria, necessarium tempus detrahetur; laborque eorum qui sunt à secretis, id quod ipsa docet experientia, ita augebitur, ut, quamuis aptâ descriptione operæ singulis distributæ sint, & iam pridem eorum auctus sit numerus, breui tamen impares labori succumbant, necesse erit.

*Aliquæ leges
prescriben-
da.*

2 Quarè, re prius benè perpensâ, sapiusque cum PP. Assistentibus communicatâ, multisque precibus Deo commendata, visum est nonnulla, ad hanc rē valdè conducentia, omnibus commendare; regulasque aliquas, & Superiorum temporum ordinationes in memoriam redigere, quæ si seruentur, sperandum est, commodius Prouinciarum negotiis cōsultum iri. Nam superuacuis & inutilibus reiectis, quæ sæpè vtilibus & necessariis officiant, plus operæ ac tēporis maioribus & vniuersalioribus Societatis rebus insumeretur. Ita & labor eorum, qui in hoc munere versantur, alleuabitur, ut pares esse possint operi; & nihil de eo fructu detrahetur, quem Patres, Fratresque è litterarum communicatione percipiunt, & optamus omnes.

3 Sed antequàm ad rem ipsam veniamus, Reuerētiam Vestram admonemus, nostræ voluntatis esse, ut quo tempore nostram hanc sanctionem ac moderationem in dandis ad nos litteris Prouinciæ suæ indixerit, simul etiam edicat, nullo modo eam ad id genus litterarum

per-

pertinere, quibus priuatim suis quisque de rebus subditi nos certiores facere voluerint; integrum esse cuique, quæ ad animi sui fructum, spiritualeque auxiliū, in Domino expedire iudicauerit, ad nos perscribere: me enim magnā cum animi mei voluptate cuncta perlecturum.

Non extenditur ad priuatas litteras.

4 His positis, Reuerentiam Vestram scire oportet, meos prædecessores varias ordinationes præscripsisse de modo, tempore, rebus, de quibus ad Præpositum Generalem litteras dare opus sit. Quæ omnes postmodum in Formulam scribendi sunt relatæ. Ex quibus seruandis maximam partem pendet ea, quæ in hoc genere moderatio est adhibenda, & quam in primis teneri peroptamus.

Varia ordinationes hac de re data seruanda.

5 Quare erit operæ pretium Superiores omnes & Consultores ipsam Formulam attentè perlegere; eorumque vnumquēque ea considerare, quæ ad se pertineant. Ita fiet, vt multis litteris minùs necessariis supersedeatur. Nā si Superiores locorum de suis rebus, cum suis primū agent Consultoribus, deinde cum Præpositis Prouincialibus, qui ex ipsorum regulis, & formâ iis præscriptâ de rebus ordinariis suæ quisque Prouinciæ statuere poterunt, non magnum erit negotium septimum Formulæ paragraphum seruare.

Formula scribendi seruanda.

6 Ac si operam dabunt, vt eiusdem Formulæ paragraphum decimum obseruet, haud dubiè magnus litterarum minùs necessariarum

Præsertim paragraphus de timore.

*Quid in vr-
gentibus.*

*Subordina-
tio commen-
datur.*

numerus tolletur: cum ibi præscribatur, in rebus non vrgentibus ordinarium tempus esse expectandum. Nam in vrgentibus & grauibus omni tempore scribendi paragraphus nonus potestatem facit. Hinc illa etiam vtilitas proficiscetur: nam si Superiores locorum de negotiis rite & subordinatione seruata, cum suis agent Prouincialibus; rerum administratio melior erit & facilior, & cum omnium gratâ voluptate etiam cõiunctior. Nam illa scribendi ratio directò & statim ad nos, inconsulto Prouinciali, cõtra quàm præcipit paragraphus decimus, nihil aliud efficit, nisi vt multiplicentur litteræ, & constitutio de rebus longiùs trahatur; cum ad bonam rerum administrationem oporteat nos, antequàm de re quapiam constituamus, Prouincialium de vnaquaque re sententiam exquirere: & singularum rerum statum naturamque cognoscere illorum testimonio qui totas Prouincias administrant, & præsentibus ipsi totam rem inspiciunt, & quodammodò manibus pertractant.

Ne de re eadem bis scribant, responso non expedito.

7 Est & illud prætereà notatum, de eadem re scribi sæpius ad nos: quæ res frustrà numerum auget litterarum. Quare monendi sunt omnes Superiores, tum Consultores, ne cum de re aliquâ semel scripserint, de re eadem scribant iterum, nisi transacto ad rescribendum tempore, & perferendas ad eos litteras constituto. Quâ in re illud animaduertant oportet, non

non semper statim atque ad nos litteræ perlatae sunt, facultatem esse ad illas rescribendi. Nam, cum sua cuique Assistenti statuta tempora descripta sint ad agendum; ac sæpenumero diuersarum Prouinciarum, atque adeò Assistentiarum in idem tempus litteræ concurrant, nisi statutus ordo teneatur, magna sequatur confusio, necesse est: ut mirum interdum non sit, si quando seriùs aliquantò, quàm vellent aliqui, ad eorum litteras rescribatur. Atque ob hanc causam, ut occupationibus consulatur Præpositi Generalis, in Formulâ præscribitur, ut cum ad ipsum Prouinciales singulis mensibus, Præpositi locales ternis scribere debeant, Præpositus ipse Generalis ad Prouinciales alternis, ad locales senis mensibus rescribat. Quin etiam experimento ij scire possunt, crebriùs etiam, quàm Formula præscribit, eorum litteris responderi.

§ In litteris porrò, quæ *Soli* inscribuntur nonnulla peccantur: atque idè fit, quòd non omnes sciunt, quæ ratio in iis litteris seruetur. *Quæ in litteris soli scribendis seruanda sunt.* Persæpè enim quæ iis litteris continentur, non eius generis sunt, quæ secretò opus habeant, ita ut non possint cum iis, quibus opus est, communicari. Imò verò non rarò eiusmodi sunt, ut, nisi cum aliis communicentur, transigi nullo modo possint: ac nullâ aliâ de causâ *soli* inscribi videantur, nisi tantùm ut à nobis legantur. Hi si scirent, nos eas quoque litteras legere sole-

solere, cum præsertim res postulat, quæ illâ carent inscriptione, non dubito, quin illâ superfederent. Quare opus esset hos huiusmodi incommodi admonere.

Ne in litteris
negotiorum
secreta ad-
misceant.

9 Est & alterum in eodem genere incommodum, quod multi cum de rebus variis ad nos scripserunt, ad eandem epistolam vnum aliquod caput attexunt, quod secretum postulat; & ob hoc vnum caput totam epistolam *soli* inscribunt. Quo fit, vt, cum ipsa epistola, ob secretum non possit nisi cum P. Secretario communicari (cum quo de more epistolæ, quæ *soli* inscribuntur, communicandæ sunt) ob illius occupationes negotia reliqua, quæ cum Assistentibus sunt communicanda, transigi maturo tempore non possint. Quare moneantur, vt cum de rebus scribunt, quæ inscriptionem *soli* postulant, si de rebus aliis iis scribendum sit, id seorsim faciant aliâ epistolâ, ab eâ seiunctâ, quæ *soli* inscribenda est. In eâ verò, quæ *soli* inscribitur, non nisi de rebus illis agant, quæ secretum postulant, nec sunt cum aliis communicanda.

Ratio contractus & instrumenti Romam mittenda.

10 Ad hæc, quod ad contractus attinet, contractuumque instrumenta, cum Romam mittuntur, à tergo membranæ vel chartæ adscribatur index & summa eorum quæ continentur. Idque eò magis quod multa tam fœdis characteribus descripta mittuntur, vt non nisi magno labore, magnâ temporis iacturâ, & ægrè intelligan-

ligantur; ab hominibus præsertim qui quibus de rebus in illis agatur, ignorant.

11 Litteræ, de negotiis præsertim, quæ ad nos scribuntur, detur opera ut bonis & perspicuis characteribus sint; omissis litterarum compendiis abbreviationibusque parum notis. Iustus etiam ad oram exteriorem marginem relinquatur, ut indices eorum, quæ intus continentur, foras euocari possint. Et cum varia capita de rebus variis continent, præsertim si vel Superiores, vel Consultores ipsi litteras dant, singula quæque capita per paragraphos scribantur, ad initium semper caput reuocando. Id enim & ad legendi, & intelligendi usum facilitatemve apprimè conducit, non modò in præsens, quâdiu de rebus iis est agendum; sed in posterum etiam tempus, cum ex Archivio, quod sæpè usu venit, eiusmodi litteræ ad eadè vel alia similia negotia, post aliquot menses aut annos sunt proferendæ. Quæ res in tanto scriptorùm numero, optimo licet ordine disposita seruentur omnia, nisi his adiumentis alleuetur, laboriosa admodum fit & impedita.

12 Et tum in his tum in aliis etiam litteris duo illa seruentur, ut & in fine epistolæ cuiusque nomen adscribatur & cognomen eius qui litteras dat (sunt enim, qui pro suâ modestiâ alterutrum omittunt, altero tantum cõtenti) & cum dies, quâ dantur litteræ adscribitur, non à festo tempore illius diei, sed à numero dierum mens-

*Quæ in scriptura
prione litterarum
animaduertenda
visa sunt.*

*Nomen, &
cognomen in
calce adscri-
bant die non
pretermissa.*

Ne eodem folio, quo scribunt, epistolas obvoluant.

sis cuiuslibet notetur; vt facilius datarum litterarum ratio iniri possit. Denique caueant, ne eodem folio, quo ad nos scribunt, ad obuoluendas epistolas alias vtantur: fit enim plerumque, vt in resignandis fasciculis, pars aliqua litterarum vnà cum sigillo reuellatur: quæ deinde nullo modo legi possunt.

De Collegij & Prouinciæ notâ in litteris & fasciculis faciendâ.

13 Illud postremò hoc loco addere pernecessè fuit, quòd abhinc annos quindecim nonnullis Prouinciis præscripsimus, ad expensas non exiguas vitandas, quibus vnâ pro multis æquo plus grauari interdum contingebat, ex Collegij aut Prouinciæ, ex quâ litteræ mittuntur, ignoratione; vt curent Superiores omnes singulis litteris & fasciculis sui Collegij ac Prouinciæ nomen exterius in fronte imponi. Sic enim antequàm vel fasciculi dissoluantur, vel aperiantur litteræ, vecturæ ratio facilè constabit ei, qui exigendi curam gerit, vt suum cuique Prouinciæ vecturæ datum referre possit. Quòd si contingat diuersarum Prouinciarum vel litteras, vel fasciculos in vnũ colligari, necesse erit similiter in externâ facie sub illius inscriptione Prouinciæ, in quâ colligantur, nomen notari: detracto enim superioris fasciculi tegumento, singularũ litterarũ, vel fasciculorũ vecturæ ratio distincta cõstabit ex illarũ inscriptionibus: vel certè (quod magis probaremus) in magno fasciculo nomina earum omniũ Prouinciarũ, quarũ fasciculi includuntur, exterius adscribi.

INSTRVCTIO X.

De Præfectis spiritualibus, constituendis formandisque.

A.R.P.N. Claudio Aquavivâ Præposito Generali ad Prouincias missa anno 1599.



QVANTA in rei spiritualis Præfecturâ insit utilitas, quamque sit munus illud necessarium, non nostræ tantum regulæ, Constitutionesque doceant, sed ipsa etiam ratio persuadet & euincit. Nam cum ad perfectionem nostræ Societatis viros effingere, formareque debeamus; consequens est, ut ij quoque quidquid agunt spirituali ratione, atque in Deum caritate illud agant. Hæc nempe vna cura illos ad studium virtutum omnium, ad plenam absolutamque sanctitatem assiduus debet stimulis excitare: ut ipsi & in se & in aliis quam maximum lumen, quam maximum communis Domini amorem prouocent in dies. Præterea cum in perpetuo ipsi obedienciæ vsu, ac religiosæ disciplinæ, spiritualibusque ad proximos ministeriis versari debeant,

Huius Ordinationis utilitas.

Quales Institutiones nostri ratio requirit.

*Inopiam ex-
citant.*

beant, nisi normæ diuini Spiritus se conforment, soluti, indociles, difficiles, intractabiles, & segnes ad laborem sint necesse est: non secus atque currum aliquem videmus a motis rotis trahi non posse; ad motis verò, apteque collocatis, faciliè ad quemcumque vsum accommodari. Et quamquam multis iam annis in eam curam incumbimus, Prouincialesque Præpositos urgemus, vt rei spiritualis constituât Præfectos ac Magistros; ipsique qui rei magnitudinem intelligunt, maximo opere rem perficere conantur; excusant tamen idoneorum hominum, qui totam rem sustineant, inopiam.

*Experientiâ
defectus com-
probat.*

2 Nos quoque persæpè multas in eo genere querelas audiuius: idque multò etiam magis perspeximus, cum non ita multò pridem, qui spiritualium rerum statum inspicerent, inspectores per Prouincias dimissemus. Ex quo apparet, multa & magni momenti in hac ratione desiderari.

*Quales sint
Præsidi spi-
rituum.*

3 Re igitur Domino precibus commendatâ, post multum de eâ cum Patribus Assistentibus sermonem habitum, sentimus necesse esse peculiarem aliquam curam suscipere, vt magisteria totius huius rationis instituantur. Ingens enim sit error, quemlibet mediocri probitate, mediocri prudentiâ, recto tantum studio instructum, propensâque ad virtutem voluntate, ad tantum munus idoneum iudicari. Quòd si ad viam spiritualem incun-
dam,

dam, homines aliorum consilio indigent ac regimine; cùm ingens sit eorum periculum, qui perito in eo itinere duce carent; satis cōstat, eos qui huic muneri deliguntur, magno ad hanc artem studio, magno lumine, magno rerum usu, magnâ prætereâ lenitate, ac dexteritate, & ad agendû cum aliis comitate, & gratiâ esse oportere. Ad hæc magna propensio, applicatioque animi, dotæque aliæ insignes accedant, necesse est. Et cùm hæc maximè optemus non tamen ea remedia videmus adhiberi, quæ ad huiusmodi magistrorum copiam parandam, opus sunt.

4 Prætereâ cùm ad scholas instruendas non maiorum studiorum modò, sed minorû etiam *Ve in litteris, sic & in spiritu perficiendo elaborandum.* humanitatis, & grammaticæ, varias artes exercitationesque inuenerimus, vt idonea suppetat copia magistrorum; prudentissimus quisque optimè intelligit, quantò id magisteriû maius sit ac magis necessarium, cùm in eo multò minus, quàm in altero liceat esse conuiuentes, non modò quia nobilius, maiorisque momenti est; sed etiam quia basis & fundamentum est alterius. Siquidem doctrina à spiritu seiuncta, & Societati proximisque magis obesse, quàm prodesse; & Ecclesiæ sanctæ nulli aut perexiguo adiumento esse potest.

5 Quare omnium primùm Prouincialis cum suis Consultoribus, aliisque Patribus rerû peritiâ spirituque præditis, re communicatâ, deletum habeat eorum, qui præter ceteros idonei

iudicabuntur, qui ad id munus destinentur. Atque ad id, tamquàm à remotiore quodam principio, è iuuenum numero eos designet, qui maiorem ad hoc munus indolem præferre videbuntur; silentij, & secessus amatores, orationis & Diuinæ contemplationis studiosos: eosque magistris Nouitiorum socios adiunget, exercebitque interim in aliis ad spiritualia exercitia erudiendis. Deinde ad rem ipsam propiùs accedēs, eos in præsens huic muneri præficiet, qui statim manus operi possint admouere, inaturos senes, quos vel longo gubernandi vsu, vel conciones habendi, aut è cathedrâ Theologiam præsertim explicandi labore fessos, tamquàm ex alto in portum, intermissis exercitationibus, in hoc tranquillum senectutis otium confugere utile erit.

Quinā huic muneri præficiendi.

Opus non cōtemnendum.

6 Neque cuiquam otiosa res videri debet, aut infrugifera, vel si cum aliquo aliorum consiliorum incommodo id fiat, nauum aliquem hominem à ministeriis aliis clarioribus cessare, dum aliis instituendis iuuandisque occupatur: imò verò plusquàm ceteros efficere certum est. Siquidem illorum omnium manibus, qui ab ipso promoti dignos se præbent Societatis administratos, operatur.

Quibus vacent Præfati.

7 His porrò concedendum est, vt sanctæ orationi, sanctorum Patrum, piorumque librorum lectioni operæ plus solito impendant. Constitutiones, exercitia B. P. N. eorumque
Dire-

Directorium habeant sibi familiaria : ad hæc Instructiones, Industrias, aliaque monita Præpositorum Generalium optimè teneant. Ut cum in sermone, tum in usu tradendo virtutum, illa in promptu habeant, quæ cum gratiâ nostræ vocationis sunt coniuncta.

8 E sanctis Patribus habeant præ manibus S. Basilij scripta omnia, S. Gregorij moralia, *Quinam libri legendi.* S. Bonauenturæ opuscula; alios præterea Doctores, Guilielmum Parisiensem, eiusque præcipuè tractatus de tentationibus, & resistentiis; de virtutibus, de vitiis & peccatis, de rhetoricâ diuinâ, & similia; Gersonem, eiusque præcipuè tractatus. Et è nostris Platum de bono status religiosi, Rossignolium de disciplinâ Christianâ; tum libros de imitatione Christi; Sanctorum vitas, è quibus grauissima eliciuntur documenta; opera denique Ludouici Blosij magno esse poterunt adiumento, ad varias variorum curandas affectiones. Itaque errorem ponant Superiores, si qui aliter existimant; sibi que persuasum habeant, tum ad idoneam eius doctrinæ cognitionem, quam in huius artis magistro inesse oportet, tum ad auctoritatem nomenque viri verè spiritualis obtinendum, maxime esse momenti hoc studium : nec satis esse communem cursum, aut commune hominis cuiusque studium, aut quantulumcumque huius doctrinæ cognitionem, quâ tinctos esse contingat eos, qui hæc aliquando cursim, & quasi aliud

*Necessarium
hoc studium.*

agentes lætitarunt, aut etiam subinde meditando volutarunt animo.

Non ad externos effundendi.

9 Atque ob hæc causam non debent hi circa externos tamquam ordinariæ operæ occupari: tum quòd illa persæpè occupatio ab operâ suis præstandâ illos auertit; tum etiam quòd reverà mens in duas diuersas curas cum aliquo dispendio distrahitur.

Exemplares sint.

10 Et quoniam hi rei spiritualis magistri non doctrinâ solùm & monitis, sed exemplo etiam & operâ eam viam debent spiritualem commonstrare; neque illos decet spiritu esse eremitico, totosque vni contemplationi deditos; videndum est, ne ita sint sanctæ quietis ac secessus amatores, vt proximorum consuetudine prorsus abstineant: sed aliquas exercitationes, ministeriaque laboris quidem, humiliationis, vtilitatisque maioris, occupationistamen & illecebræ minoris assumant; cuiusmodi sunt carcere detentos, hospitalia, ægrotos inuisere, aut breues aliquas subinde obire missiones: sed certis, quibuscum vsum habeant, nullis addicantur pœnitentibus: feminis verò, cum quibus nimium plerumque est negotij, multò minùs.

In humilibus se exercent.

In Seminariis quales præficiendi.

11 In magnis porrò Seminariis, in quibus ad studia aluntur multi, satis constat huiusmodi magistris tantum operæ suppetere, vt aliæ occupationes omnes excludantur: ita vt ne ipsis quidem regendis discipulorum Congregatio-

gationibus, aut scholarum confessionibus audiendis locus relinquatur. Eritque id Prouinciali summæ curæ, ut in eiusmodi frequentibus Collegiis homines hac doctrinâ & feruore pietatis insignes huic muneri præficiantur: ac si fieri potest, ex iis, qui aliquando Magistri fuerint Nouitiorum, vel in gubernando magni exempli, & spectatæ pietatis fuerint; vel certè in aliis Collegiis id munus cum aliorum probatione sustinuerint. Denique, uti dictum est, præstantissimi cuiusque, & maximis dotibus instructi præclarè stare operam censendum est, vno in hoc munere occupati.

12 Præfectis ita constitutis, Prouincialis erit cura, inuigilare, eos instruere, rationem ab iis, inter visitandam Prouinciam, reposcere; ex aliisque quemadmodùm se gerant, cognoscere. Multum illi tribuat, multamque iis reuerentiam conciliet: manderque Consultoribus Collegiorum, ut ad se, quemadmodùm in hoc genere procedatur, accuratè perscribant.

*Prouincialis
munus.*

13 Omnino duo in hoc genere scopuli vitandi sunt, qui magnæ nonnumquàm offensioni esse possunt, quò minùs tantæ rei magisterium eum quem volumus, quemque res exigit, felicem cursum sortiatur. Alter est temeraria quædâ & inanis Superiorum suspicio, ac propè zelotypia, quasi rei spiritualis Præfectus subditorum animos ad se alliciens, deriuat in se Superioris auctoritatem, eaque re necessaria membrorum

*Quinam scopuli vitandi
Superioribus & Præfectu.*

cum suo capite coniunctio sensim soluatur. Alter contra, ne quando Præfectus, per causam consolandi subditos, ad illa se porrigat quæ sunt regiminis, aut impediatur eleuæve Superioris auctoritatem, id quamuis, ipso ipso, aliâ ex causâ contingat. Quare magnoperè opus est incommoda hæc anteuerrere initio; magnâque vigilantia cauere, ne quid eiusmodi subrepat, fines utrisque constituendo. Siquidem Rectori expedit Præfectum amari & in honore haberi: sicut enim adiumento & leuamento multis in rebus ipsi erit. Præfecto vicissim proposita in primis esse debet obedientia, & erga Superiorem amor subditorum. Ac si quando hæc aut minui senserit aut intepescere, sese Angelum pacis interponat: hinc deiectos subditorum animos ad perfectionis mortificationisque studium erigendo, & auctoritatem, bonamque de Superiore opinionem pro viribus tuendo; hinc Superiorem priuatim de rebus illis admonendo, quæ vel expedire, vel impedire iudicauerit.

*Quotannis
Generalis
monendus.*

14 Optamus prætereâ à Prouincialibus certiores fieri quotannis, quosnam ei muneri in maioribus præsertim Seminariis, quibusve institutionibus præfecerint; & quemadmodum tota res vsu tractetur, & quo fructu, & quod quisque ad eam rem talentum præferat.

15 Et quoniam res est magni momenti, eâque maximoperè indigemus, omni quo possum

sum animi affectu Reuerentiæ Vestrae quàm accuratissimè commendo, vt id totum ita suscipiat, vt existimet ad maximam sui regiminis partem pertinere. Ita, diuinâ fauente bonitate, spes est, multa nobis fore prouidentia; eosque nos è nostris laboribus fructus, quos ad Diuinæ Maiestatis gloriâ optamus, percepturos; à quâ copiosam precamur in omnes benedictionem.

*Serius Prae-
uinciali cõ-
mendatur.*

INSTRVCTIO XI.

De paternè exigendâ ratione conscientia à subditis, & secreti fide seruandâ.

A. R. P. N. Claudio Aquauinâ Praeposito Generali anno 1606. ad Prouincias missa.



V M reddere conscientia suæ rationem res sit ap-
primè necessaria, & ac-
curatissimè nobis à B. P.
N. commendata, ne quâ
inscitia subditorum, aut
minùs clarâ eius rei co-
gnitione in nostrâ Societate aliquando inte-
pescat (ex quo incommoda non modica, cum
magno rei spiritualis damno, & decremento
auxiliorum, quæ ipsis subditis adhibenda sunt,

*Incommodis
occurrendū.*

& magno etiam communis boni, Diuiniq̃ue obsequij detrimento orirētur) idcirco, quemadmodum omni diligentia nostrum est subditos ipsos ad suum officium in hoc genere præstandum adhortari, ob ingentes quæ ex eâ re benè transactâ percipiuntur vtilitates; ita summè necessarium est (quemadmodum à nobis aliàs significatum ac præscriptum est) vt Superiores pro se quisque rem promoueant; tum eam præseferendo comitatem, paternamq̃ue beneuolentiam, quæ subditos ad se totos magnâ fiduciâ aperiendos alliciat; tum eam adhibendo prudentiam, secreti fidem ac cautelam, & ad eum vnum finem cōsequendum, cuius causâ à beato Fundatore nostro totam hanc rem institutam esse scimus, quod est spirituale auxilium, & idonea subditi cuiusque perscrutatio.

Quæ Superiores pro se quisque rem promoueant; tum eam præseferendo comitatem, paternamq̃ue beneuolentiam, quæ subditos ad se totos magnâ fiduciâ aperiendos alliciat; tum eam adhibendo prudentiam, secreti fidem ac cautelam, & ad eum vnum finem cōsequendum, cuius causâ à beato Fundatore nostro totam hanc rem institutam esse scimus, quod est spirituale auxilium, & idonea subditi cuiusque perscrutatio.

Quamā cautio adhibenda.

Quapropter animaduertant Superiores (id quod his litteris maximoperè iis iniungimus, grauissimeq̃ue præscribimus) ne hac notitiâ ita vtantur, vt subditorum animi offendantur, suspicenturq̃ue se ob eam rem aut notam aliquam aut periculum adituros, ne minùs commodè à Superioribus tractentur.

Secretum seruetur.

2 Quarè, Superiores, quamuis secretum naturali iure tantum teneatur (nam de sigillo confessionis nihil est quod agamus) videant tamen sumimâ curâ, vt secreti fides integra sit, nihil omnino cuiquam innuendo; multò etiam minùs ad consiliū referendo cōsultandi causâ, quid

quid factò opus sit: nam ex eo subditi à suâ aperiendâ conscientiâ deterrentur vehementer. Licet enim tanti ponderis ea regula præceptumque sit, sexcentas tamen Theologicas *Damna quæ ex hoc defe- Au oriuntur.* ratiocinationes, & periculorum species excogitarent, quare ad se tanto cum damno detegendos nullâ lege tenerentur. Quâ opinione atque auocatione animorum nescio an perniciosius quidquam ad bonam administrationē Societatis esse possit: quæ intimâ animi culturâ, spiritualiq; institutione magis, quàm legibus vllis, pœnisve externis irrogâdis suos optat alumnos ad perfectionem virtutis edocere.

3 Quare Reuerentiæ Vestræ rem totam quàm accuratissimè commendamus, vt inter *In visitatione quid Prouinciali præstandum.* visitandam Prouinciam, diligenter cognoscat quâ fide Superiores in hoc genere se gerant: ac si quis in eo fuerit solutior, aut minùs quàm debet accuratus; det operam, vt pro culpæ gravitate, in eum animaduertatur: ac si opus fuerit, de tali Superiore amouendo ab officio nos certiores faciat. Idque ita curetur, non modò vt subditi nos ita præcepisse, sed ita etiam exequi mandasse sciant: vt intelligent omnes etiam Superiores, si quid aliquando deliquerint, pœnæ obnoxios futuros. Contraque ipsi suspicionum umbras, quæ subinde oriuntur, exuant penitus ex animo; in idque magnâ caritate Superiores incumbant, vt subditi ex eorum paternâ caritate recreen-

tur, benigneque se ab iis tractari latentur: vicissimque ipsi eâ, quâ filios decet, reuerentiâ fiduciâque ad Superiores suos, tamquàm ad beneuolos parentes, in omni re confugiant. Vestra Reuerentia quid egerit in hac causâ; quemadmodùm per se ac per Confessarios, ut ab errore subditi auocentur contenderit; si quid peccatum fuerit, quæ remedia adhibuerit: & quid in eo genere Superiores profecerint, ad nos perscribat. Redeo ad illud idem, moneoque etiam, rem esse maximi momenti, proindeque non mediocrem diligentiam desiderare.

*De quibus
Generalis
monendus.*

INSTRVCTIO XII.

Pro iis qui ad Missiones, fructificandi causâ, proficiscuntur.

A. R. P. N. Claudio Aquauinâ confecta.

*Cur scripta
hac instrum.
tio.*



In directionē praximque Regularum eorum, qui ad Missiones proficiscuntur, necessarium duximus hanc Instructionē perscribere, ad quam possint deinde Prouinciales, quæ pro locorum ac Missionum varietate opportuna videbuntur, adijcere.

2 Finis harum Missionum est auxilium tot animarum, quæ ex ignorantia rerum ad salutem suam necessariarum, in statu peccati, cum æternæ damnationis periculo versantur. Proinde omni studio enitantur, ut cōtinuam veramque inter se vnionem habeant, cum patiendi desiderio; quandoquidem hæc necessaria sunt fundamenta ad finem propositum consequendum, & ad bonam ædificationem apud omnes conciliandam: meminerint quæ hanc esse vocationem nostram, in quâ primi Patres nostri sese exercuerunt. Ob eandem causam orationem matutinam, & examen vespertinū, quoad eius fieri poterit, numquàm prætermittant: & procurent tum in hac, tum in ceteris rebus intimam vnionem cum Deo, à quo pendet omnis actio- num nostrarum recta institutio & efficacia.

3 Perlustrabunt loca, quæ in catalogo suo descripta habebunt; tamdiu in singulis consistentes, quamdiu pro numero, & dispositione personarum expedire videbitur. Cùm primum ad oppidū, seu vicum, peruenierint, ante omnia primariam Ecclesiam adeant; & post breuem orationem, prout temporis ratio, & ipsorum cōmoditas feret, agant cum Parocho, vel alio Cleri Præposito; omnemque illi benevolentia significationem exhibendo, caueant ne vel minimo indicio dent suspicionem, quasi ad eum visitandum veniant: sed ostensis Patentibus, &c. declarent sibi hoc vnum esse propositū, ut

Scopus Missionum.

Vnio inter se, & cum Deo cōtinua.

Qua loca perlustrabūt.

Ecclesiā primum adeāt, tum Parochum.

Finem missionis declarent.

Doctri-

*Namini se
oncri futu-
ros.*

Vbi habitent.

Doctrinam Christianam tradant, cōfessiones audiant, pacificationes procurent, &c. ac nominatim vt Clero in omnibus probari & satisfacere studeant. Doceant præterea sibi præscriptum esse à Superioribus suis, ne cui victus causâ sint oneri: idque adeò se curaturos, cum habeant vnde vitam sustentent: cubiculum tantummodò desiderari, à seminarum commercio liberum, & in quo lectuli sint ad quiescendum. Quòd si mundum aliquod in xenodochio cubiculum erit, alibi non quæratur. Ab eodem Parocho, si consenserit, designabuntur, qui res ad victum necessarias pro ipsis comparent: quas quidem ad sustentationem sufficientes esse oportebit, sic tamen, vt ædificationi semper consulatur.

*Edocendi de
peccatis po-
puli.*

4 Interrogent eundem Presbyterum de peccatis populi magis vsitatis, de vsuris, concubinato, inimiciis, abusibus, superstitionibus, &c. vt maiori cum luce, & vtilitate animarum sermones suos, laboresque dirigant. Conferet plurimum, si quam boni nominis secularem personam sibi concilient, cuius operâ apud alios vtantur; procurâdo vt diuina Sacramenta frequenter obeant; & probo pariter alicui Sacerdoti eos insinuando. Iuuabit etiam scholas visere, si sine offensione fiat; magistrorumque gratiam ineundo, pium aliquod deuotionis exercitium inter scholasticos introducere. Et cum tempus vacuum erit, in priuatis cum

*Alicuius bo-
ni viri operâ
vsandum.*

*Scholastici
inuandis, &
quemodò.*

hoc

hoc vel illo sermonibus fructuosè collocare.

5 Quod die ad locum peruenerint, in quo *Quoties po-*
 subsistere debent, procuretur quamprimum *populus conuo-*
 commoditas populi conuocandi. Conuocetur *candus.*
 autem manè ac vesperi: fiatque exhortatio vna,
 in quâ primùm disseratur de necessitate Do- *Materia cō-*
 cionum.
 ctriinæ Christianæ; & de malis, quæ peccato
 mortali adiuncta sunt, vt ex eo intelligatur ne-
 cessitas confessionis. Deinde exponatur caussa
 & finis aduentus ipsorum, bonâ cum veniâ &
 facultate Ordinarij: promulgeturque Iubileū
 à Sua Sanctitate concessum, potestas absol- *Populus de*
 uendi, &c. atque hæc omnia Societatem no- *quibus de-*
 stram ex Instituto suo facere; cui conuenit hoc *condus.*
 munus Doctrinæ Christianæ, confessionum,
 &c. significetur etiam nullum hîc lucrum qua-
 ri, nec pecunias: imò ferri ad ipsos munuscula
 quædam rerum piarum. Nulli proinde se gra-
 ues futuros, cùm à Superioribus suppeditata
 eis sint necessaria. Significant præterea horis
 matutinis audituros se confessiones eorum,
 qui conscientias suas subleuare desiderant. A
 prandio Doctrinam Christianam tradituros
 feminis, & pueris, ac puellis: vesperi autem
 eandem viris post salutationem Angelicam
 explicaturos. Hortentur itaque, vt veniant,
 & domesticos ac familiares mittant.

6 Si oppidum est alicuius momenti, &
 alius concionator non sit, Quadragessimæ præ- *An concio-*
 sertiam tempore, poterit singulis diebus summo *nandum, &*
quando.
 manè

manè brevis cōcio fieri per semihoræ spatium, de Euangelio quidem ; sed ita v̄t ad rerum necessariarum doctrinam traducatur pro captu auditorum. Exemplis autem crebrò vtantur, & pro re natâ populum impensè hortentur ad diuini cultus obseruationem, & ad Ecclesiasticos honore ac reuerentiâ prosequendos.

*De quibus
Clerus in-
firmendus, &
quo tempore.*

7 Cleri institutio complecti debet breuem notitiam mysterij Sanctissimæ Trinitatis, & Incarnationis D. N. quænam sit materia & forma Sacramentorum, de eorum vsu & exercitio, ac præcipuè de ratione confessionum audientiarum, & populi instruendi ; commendando eis diligentiam & munditiem circa cultum diuinum. His porrò qui è Clero sunt, dandus est Catechismus, si non habent; Directoriũ P. Polanci, aut F. Medinæ. Fient hæc manè, quando ab audiendis confessionibus otium erit. Quòd si tunc non licebit, detur opera, vt serò sub noctem perficiatur.

*De femina-
rum & pue-
rorum con-
fessionibus
audiendis.*

8. Feminarum confessiones in templo semper audiantur loco non obscuro ; eodemque modo iuuenum : studeantque ab eis personis quamprimùm expediri, quæ mouere possunt suspicionem.

*Quando fe-
mina, &
pueri Do-
ctrinâ Chri-
stianam do-
ceantur.*

9 Pomeridianæ horæ ponentur in tradendâ feminis puerisque Doctrinâ Christianâ ; allicienturque processionibus publicis, festis præsertim diebus, in quibus pueri ac puellæ vario cum ornatu appareant, & præ-
miis

miis imaginum; diligentem operam adhibendo, vt doctrinam accuratè perdiscant; & hortando, vt eam aliarum inanium cantionum loco decantent inter laborandum, & in agris ipsis.

10 Vesperis post salutationem Angelicam circa mediam horam noctis, Parocho & aliis Clericis adnitentibus, conuocetur ad ecclesiam quàm maximus poterit numerus, inuitando Gubernatorem, aliosque viros primarios, vt ceteros alliciant, prohibendo ne femina vlla admittatur: ibique explicetur Doctrina Christiana, declarando mysterium Sanctissimæ Trinitatis, Symbolum Apostolorum, &c. omnem sermonem concludendo malorum, quæ peccato mortali insunt, declaratione: horæque circiter spatium hac in re collocetur. Quodd si ad eam vnicus sufficiat; alter interim in privati cuiuspiam auxilium incumbat, vel eius confessionem audiendo, vel pacem inter discordes componendo.

11 Si quando incidat, vt aliquid eleemosynæ pecuniariæ largiendum sit personæ alicui ad grauem necessitatem redactæ, cautè fiat & secretò, ne si patefiat, concursus fiat pauperum; quibus si eleemosyna denegetur, obviærandi occasio præbebitur.

12 Vbi Religiosos cuiuslibet ordinis nanciscuntur, omnem in illos beneuolentiæ significationem declarare studeant; eosque in Do-

*Quando viri
Doctrinam
docendi.*

*Cautè eleemo-
syna elar-
genda.*

*Quomodò
cū religiosi
se gerant.*

mino,

mino, quoad fieri potest, lucrificare. Quòd si res ferat, iuuabit Exercitia spiritualia cuiuspiam illorum, atque etiam Clericorum, tradere.

*Quæ ab ipsis
annotanda.*

13 Obseruabunt subinde & annotabunt, quæ digna videbuntur, de quibus Prælatum admoneant, ut ea coràm postea post reditum in urbem illi exponant. Itemque præcipua quæque notatu digna pro Annalibus.

*Confraterni-
tatum Insti-
tutio, & que-
modo.*

14 Dabunt operam, ut inchoetur, promo-ueaturque, ubi opportuna res erit, Confraternitas aliqua Sanctissimi Sacramenti, vel nominis Dei, vel Rosarij, vel Doctrinæ Christianæ. Romam postea scribendo, ut stabiliri possit, iuxta Regulam 22. Missionum.

*Quis in Mis-
sione Super-
ior.*

15 Qui priore loco in Patentibus nominabitur, Superior erit Missionis; alter eius Admonitor: demum omnes sibi commendatam esse intelligant exactam regularum pro Missionibus obseruantiam.

*ex libris Maurizij
Lantij*

INSTRVCTIO XIII.

De spiritus renouatione procurandâ,
dequē disciplinâ religiosâ augendâ.

CAPVT PRIMVM.

*Ad Orationis & Deuotionis studium
excitandum.*



VM inter illa media, quæ
cum Deo instrumentum
coniungunt, atque dispo-
nunt, vt à Diuinâ manu
rectè gubernetur; illud
vnum ad cōseruationem,
& incrementū spiritus ef-

Ex Deputa-
tione pro
renouatione
spiritus.

ficacius sit, familiaritas videlicet cum Deo in
spiritualibus deuotionis exercitiis; valdè com-
mendatam omnibus esse cupimus, & seriò Su-
perioribus iungimus earum Ordinationum
ac Regularum executionem, quæ Orationis
augmentum magnoperè iuuare ac promoue-
re consueuerunt. In primis proderunt solem-
nia illa ac statuta Religionis nostræ, si frequens
visitatio fiat dum oratur, & ab ipsis interdum
Superioribus, ex Regulâ Præpositi 50. & Re-
ctoris 47. si pœnitentiæ peccantibus impo-
nuntur: si in cubiculis spiritu feruentiores cum

Orationem,
ac deuotio-
nem promou-
entia.

Psal. 10. 5. 20

E

tepi-

repidioribus vnâ cohabitent: si crebrò Nostros alloquatur de hac re Præfectus spiritus, interrogetque modum, quem in orando teneant; doceat, instruat, ac dirigat pro rei exigentiâ: si Confessarius illis ipsis, quos in re tanti momenti, & ad spiritus conseruationem per necessariâ deficere intellexerit, scrupulum iniiciat: si in priuatis exhortationibus, & conferentiis agatur frequentius de fructuosè oratione habendâ, & de curâ rerum spiritualium augendâ: si in ratione reddendâ conscientiæ Superiores diligenter exquirant, quantum in hac re quisque profecerit, instruendo, formam docendo, excitandoque (si necesse fuerit) efficacioribus mediis ad tam sanctum & perutile religiosæ vitæ opus peragendum. Denique conandum, quoad eius fieri poterit, vt qui ex Nouitiatu ad Collegia se conferunt, haud faciliè eandem precandi rationem immutent, nec sine Præfecti spiritus, aut Superioris consilio in eiusmodi rebus progrediantur.

2 Si interdican-
tur id genus visitationes,
quæ nec ad eum finem, quem intendit Societas iuxta suum Institutum, nec ad spiritum vocationis nostræ prodesse possunt; idque Superioris arbitrio, cuius erit singula prudenter & maturè perpendere: iis exceptis, quos minimè expedit præterire, tum ob commune bonum Societatis, tum ob maius Dei obsequium, & animarum auxilium: quâ de re, vt
omnes

Ex Deputatione pro renouatione spiritus.

Quæ visitationes interdican-
tur.

omnes rei momentum intelligant, seriatim exhortationes habendæ erunt.

3 Si omnino interdican- tur inutilia, & parum religiosa colloquia ad ianuam cum exter- nis: nec permittantur, nisi cum ad difficul- tates Casuum conscientiaë explicandas neces- se fuerit; vel de rebus spiritualibus, & ad bo- num animarum spectantibus agendum erit, vel omnino pernecessariis, vt prudens caritas faciendum esse docuerit Superioris iudicio; præsertim viris grauioribus, & valde probatis ad ianuam accedentibus.

Ex Deputa-
tione pro
renouatio-
ne spiritus.
*Inutilia solo-
quia.*

4 Si vacent omnes quotannis spirituali- bus exercitiis per octo vel decem dies conti- nuos: atque vt id efficaciter, & omnino fiat, statutus est annuus iste vsus spiritualium exer- citiorum, tantoperè à Congregatione singu- lis commendatus, Superioribus præsertim; quibus curandum erit, vt non modò suo ce- teris exemplo præluceant, sed tempus quoque peropportunum singulis ad ea cum fructu peragenda, difficultatibus peruictis, attri- buant.

*Annuus Ex-
ercitiorum
vsus.*

5 Postremò proderit non parùm, si quæ Regulis 2. & 4. Sacerdotum de diuino Officio attentè, deuotè, & opportuno tempore reci- tando, de quæ semihorà, eà quâ par est reueren- tiâ, in faciendo Sacro explendâ, præcipiuntur, exactè seruentur. Denique si quæ ad pietatem, & deuotionem pertinent, religiosè tractentur.

Ex Deputa-
tione pro
renouatio-
ne spiritus.
*De officio, &
Sacro fa-
ciendo.*

CAPVT SECVNDVM.

De ratione conscientie reddendâ.

1 **S**ERVARI oportet, quæ præscribuntur in Instructiōe ad reddendam conscientie rationem, quæ in ultimâ Regulâ Prouincialis de modo accipiendæ rationis conscientie; quæ item de non vsurpandâ notitiâ per confessionem, quæ est VII. Instructio; quæ denique in nouâ Instructiōe XI. de paternè exigendâ ratione conscientie à subditis.

Ex Deputa-
tione pro-
renouatio-
ne spiritus.
*Quæ seruandâ
circa ra-
tionem con-
scientie.*

*Praxis ra-
tionem con-
scientie exi-
gendi.*

Ex Regulis
pro Vilita-
toribus.

*Superiores
Patres se
exhibeant.*

2 Operæpretium visum est hîc veluti praxim tam laudabilis in Societate consuetudinis apponere, quemadmodum cautè & paternè in re tanti momenti Superiores se gerant. Primum curent, vt ab inutilibus occupationibus liberi, toti in suorum Subditorum internam curam, & spiritualem profectum omnino incumbant: quæ quidem cura in eo posita est, vt ab iis, quâ par est diligentiam & circumspeditione, exigant rationem conscientie: quæ si, vt oportet, à subditis reddatur, atque à Superioribus excipiat, magnum proculdubio momentum habebit ad spiritus renouationem & augmentum. Secundò, vt rectè fiat, iuuabit plurimum, si Superiores seipsos Patres exhibuerint, quod frequenter commendatum est; eosque

eosque crebrò, & magnâ caritatis significatio-
 ne, vt Regula 26. Præpositi, & 25. Rectoris
 habent, vocent, alloquantur, & eos con-
 solentur, atque in spiritualibus instruunt; sic-
 que intelligant, se non tamquàm Lucidi suam
 conscientiam Superiori, sed tamquàm Patri
 manifestare; quò consilium ab illo, auxilium,
 & consolationem accipiant: neque idcirco
 futurum vt Superior tamquàm imperfectum,
 aut tentatum minùs diligat, aut minoris æsti-
 met; sed contra maiore caritate, ac peculia-
 ri affectu complexurus sit, quem syncerè &
 candidè iuuari velle conspexerit. Ipse verò
 Subditus sic existimare debet, se velut aliud
 esse, atque suos defectus. Quare ad Superio-
 rem confugere debet, vt simul cum eo ad eius-
 modi vitia eradicanda conspiret; simulque
 etiam media petat, & auxilia, quibus id conse-
 qui possit. Superiorum autem erit tam blandè
 & amanter eos excipere, vt hæc ratio conscien-
 tiæ reddita, occasio fiat non semel aut iterum
 in anno statis temporibus ad eos recurrendi,
 sed frequenter eos adeundi: quò efficacius fi-
 nem hunc Societatis, id est directionem, vi-
 ctoriam contra vitia, & virtutum lucra con-
 sequatur. Tertiò, efficiant autem, vt Subditi
 intelligant, aliud esse reddere rationem con-
 scientiæ; aliud quid, generaliter confiteri: quia
 & regula diuersa est vtriusque, & diuersus finis,
 & modus diuersus. Nam confessionis finis

*Discrimen
 inter rationē
 reddenda
 conscientiæ;
 & confes-
 sionem genera-
 lem.*

est, proponere sibi ante oculos totius illius tēporis culpas, illasque denuò maiore alacritate expiare, & quasi novas induere vires: in aperiendā autem conscientiā finis est, statum animæ suæ, nimirum defectus, passionēs, propensiones, tentationes, virtutes ipsas, & quæcumque ad perfectam sui cognitionem facere possunt, ei aperire, cui se ad maiorem Dei gloriam dirigendos tradiderunt. Modus etiam diuersus est: nam in confessione peccata & circumstantiæ aperiendæ sunt: in alterā verò ea dicere satis erit, quæ integrè profectum, seu defectum animæ, & statum interioris hominis manifestant. Quarè vt cogendi non sunt Nostri ad rationem reddendam conscientiæ extra confessionem, cū id liberum Constitutio permittat pro cuiusque consolatione; ita summo perè laudandi, qui semotis iis, quæ propriè ad confessionem pertinent, (hæc autem Superiōri in confessione detegere poterunt) extra confessionem reddunt: totosque seipso patefaciunt, quò liberiùs, & absque vllō respectu Superiores ad illorum directionem, & vtiliorem gubernationem eā notitiā ad maius Dei obsequium vtantur.

3 In exhortationibus crebrò à Superiōribus inculcetur tam sanctus & laudabilis mos, à B.P. Nostro Ignatio inductus, & seriò crebroque in Constitutionibus posteris suis commendatus. Item eius necessitas, & utilitas,

non

*Vter modus
laudabilior.*

Ex Deputatione pro
renouatione spiritus.

non solum ad priuatum, sed etiam ad commune bonum spirituale ostendatur ex ipsis Constitutionibus, & ex Sanctis Patribus: soluanturque obiecta, rationibus & argumentis desumptis ex verâ Theologiâ. Ostendant multas cautiones adhibitas ad rem hanc religiosè & prudenter tractandam ab ipsis Constitutionibus, à Præpositis Generalibus in suis Ordinationibus, scilicet de secreto seruando; & quemadmodum instituta sit ratio conscientie reddendæ ad spirituales profectum Subditorum, & ædificationem.

In domesticis exhortationibus cõmendandus usus aperienda conscientia.

CAPVT TERTIVM.

De Silentij Regulâ exactè seruandâ.

I SERIO Superiores inuigilent in exactam Regulæ 26. de Silentio obseruationem: & executioni mandentur, quæ in Instructione pro Superioribus cap. 3. §. 9. habentur. Sed in primis intelligant omnes oportet, quemadmodum extra tempus recreationis semper & ubique tacendum est, præterquàm in casibus, & locis in regula expressis; ita dato signo ad finem recreationis, statim esse silendum.

Ex Deputatione pro renouatione spiritus. Statim post recreationem silendum.

2 Curent quoque ut intelligant, cum foras eundem sit, minimè loquendum esse, iuxta Regulæ intellectum, intra Urbem ubi populi est frequentia.

Silentium in frequenti populo.

*Silentium in
refectorio, &
culinâ, dum
inseruiunt.*

3 Ut qui in Refectorio, vel in Culinâ tempore primæ & secundæ mensæ inseruiunt, eandem esse sibi legem seruandam putent, quamuis vtrisque secunda recreatio permit-
tenda videatur.

CAPVT QVARTVM.

De vitiis lingua, & frequentia litte- rarum.

*Ex Deputa-
tione pro
renouatio-
ne spiritus.*

Religiosè seruentur præscripta in libel-
lo Industriarum, ea præsertim quæ
cap. 15. habentur.

*Auctores
corrigantur.*

2 Superiorum conscientia de hac re, ve-
luti grauissimâ, & inimicâ vnioni & caritati,
grauetur, seriò vt aduigilent, & auctores di-
ligenter inquirant, vt leuere paniantur. Qui
verò auctores ipsos manifestare recusauerint,
pro ipsis habeantur.

*Litteras scri-
bendi abusu.*

3 De inordinatâ ac nimia communi-
catione per litteras, si quæ in cap. 15. à §. 7. ad
13. Ordinationum Generalium nuper præ-
scripta, executioni mandentur, nihil erit quod
hac in re desideretur.

CAPVT QVINTVM.

De votis, Paupertate, Castitate, & Obedientiâ.

1 **P**RO Obedientiâ & Castitate legantur capita quartum & quintum pro Instructione Superiorum: neque enim aliud visum est addendum.

Ex Depotatione pro renouatione spiritus.

2 Executioni mandentur, quæ de manifestatione delicti Superioribus faciendâ censuit Congregatio.

3 Quod ad Paupertatis nostræ puritatem attinet, abunde prospectum est in §. 7. & 8. Instructionis antiquæ pro renouatione spiritus. Prætereà, Reliquiaria, & his similia, quæ colla suspensa circumferuntur, vnius aurei pretium minimè excedere oportebit. Vtus verò accipiendi, mittendique etiam cum facultate, omnino corrigendus videtur: nec tam faciles se Superiores exhibeant in faciendâ huiusmodi potestate, præsertim generali.

Reliquiaria vnius aurei pretium ne excedant.

Vtus accipiendi, mittendique moderandus.

CAPVT SEXTVM.

De vsu pœnitentiarum secretarum excitando.

1 **L**egendæ interdum erunt publicè litteræ R. P. N. Claudij Aquauinæ, de vsu
E s pœni-

Ex Deputa-
tione pro
renouatio-
ne spiritus.
*Legatur li-
tera P. N. de
hac re.*

pœnitentiarum, iuxta nostri Instituti ratio-
nem nuper scriptæ: in quibus ostenditur, non
idcirco quod ex regulâ certas & statutas non
habeamus, eas negligi Religiosis Societatis
oportere.

*Excitandus
usus pœni-
tentiarum.*

2 Excitetur tam laudabilis usus, sicubi non
ita vigeat, à Superioribus in exhortationibus,
extraque illas in priuatis colloquiis, in iis præ-
sertim qui iuuenes sunt. Et sicut inflammandi
tepidiore erunt à Præfecto spiritus, à Recto-
re, & Prouinciali in visitatione, ita feruentio-
res regendi sunt, ne nimium excedant.

CAPVT SEPTIMUM.

*De cautelâ adhibendâ, ne Principum ac
Magnatum aulæ nostris obfint.*

Ex Deputa-
tione pro
renouatio-
ne spiritus.
*Seruentur
præscripta.*

1 SATIS prospectum fuerit, si ea quæ cap. 15.
Industriarum remedia indicantur, Superi-
ores, præsertim Prouinciales adhibuerint.

2 Vt ostendatur Principibus viris Instru-
ctio 21. pro Confessariis Principum, ut ibi præ-
scribitur. §. 14.

*Præuenian-
tur, & præ-
cidantur.*

3 Si mala præueniantur, cum apparent fu-
tura ex signis positis in Industriis, & præcidan-
tur initio familiaritates istæ cum Principibus,
antequam adolescant, & radices agant, quæ
Societati nostræ, nisi fortiter oblistamus,
grauiter minitantur; præcipuè cum Superio-
res conuiuent.

CAPVT OCTAVVM.

De humanâ & politicâ ratione agendi, præsertim in Iunioribus.

1 **E**XCITANDI quidem sunt, qui hoc malo laborant, spiritu perfectionis; serioque monendi, ne huic pesti religionis adhærescant: quodd magnoperè dedecet virum Religiosum, qui candorem, ac simplicitatem profitetur, dici, nedum politicum esse.

Ex Deputatione pro renouatione spiritus. Quomodo excitandi.

2 Superiores cum aliquos humanis iis rationibus quasi adminiculis ad suos fines consequendos uti compererint, facto ipso technas ipsorum dissoluant, & cuniculos antevertant; præcidendo intercessionem, fauores, machinationes, ita ut eorum consilia irrita omnino reddantur: doceanturque dum iuvenes sunt, detestari tantum malum in Societate: & seruanda curent, quæ cap. 24. in Ordinationibus generalibus præscribuntur. Quodd si Subditis ipsis, ut suos fines, propriaque commoda mediis non religiosis assequantur, tam indecorum fit; quid Superioribus fiet, si in hoc ipso quodd grauius, è turpius peccauerint?

Quomodo artificium occurrendum.

CAPVT NONVM.

*De Recreatione quotidianâ religiosè
transigendâ.**Abusus re-
creationis.*

IETSI in hac Generali Congregatione, quandoquidem minore cum fructu, & parum religiosè transigi à Nostreis tempus recreationis non pauci conquerebantur; seriò actum sit de moderandâ, contrahendâque recreatione ob plurima quæ numerabantur incommoda, quæ Religiosam viuendi rationem dedecent; visum est tamen Patribus, momentis rationum hinc inde perpenſis, quidquam noui in præſens minimè statuere. Verùm adnitendum eſſe pro viribus, vt aliis primùm rationibus, quæ à diuerſis propositæ fuerunt, quasi periculi faciendi gratiâ, iretur obuiam incommodis, quæ in recreationibus nostris alicubi reperiri non sine iacturâ spiritus plerique dolebant. Quæ res cùm à Patribus Deputatis pro renouatione spiritus, vt censuit Congregatio, diligenter discussa fuisset, P. Nostri iudicio reiecta est, rationibus nonnullis religiosè peragendæ allatis, quæ sequuntur.

*Religiosè re-
creatio fa-
cienda.*

2. Vt peculiaris hac in re diligentia à Superioribus adhibeatur (quibus præeundum erit exemplo ceteris) vt recreationis tempus, iuxta Reg. 56. Præpositi, & 55. Rectoris, religiosè impen-

impendatur. Quod nisi rectè, & vt Religiosum decet, & vt finis huius institutionis postulat, traducatur; refrigescat spiritus necesse sit, plurimumque distrahatur. Quo sanè fiet, vt dum inter nos ea, quæ pios viros decent, loqui non assuescimus, deinceps etiam cum externis ea colloquia minimè miscere nouerimus, quæ pietatem redoleant, & audientes ædificent.

3 Aduigiletur itaque, vt non solum exterminentur, si quæ sunt, oblocutiones, & obmurmurationes; sed explodantur etiam à religiosâ recreatione rerum curiosarum, & ludicrarum narratiunculæ, libertasque & secularitas indecora. Seculares autem rumores, qui foris audiuntur, iuxta regulam, nec temerè, nec sine fructu domi narrentur.

A quibus abstinendum in recreatione.

Reg. 17. corum.

4 Proinde suppeditabit abundè materiam recreationi nostræ Catalogus à P. Natali p. m. confectus; qui saltem quotannis ad memoriam excitandam semel atque iterum legendus erit ad mensam: tum lectiones quotidianæ, quæ in Refectorio audiuntur, præsertim littæræ annuæ: denique spiritualium librorum frequens lectio, si ei tempus iuxta Regulam arbitrio Præpositi, & Rectoris, aut Præfecti spiritus, statis horis studiosè impendatur.

Quarum materia religiosa recreationis.

5 Porro consuetudo visendi Sanctissimum Sacramentum à prandio, vel à cœnâ, vti nullo modo generatim præscribenda est, ob multas rationes; ita nequaquam omnino prohibenda

Sanctissimæ Sacramentum inuisere.

benda videtur, si & ipsa loci dispositio faciliorem eam reddat aliquibus, qui sponte velint accedere: quibus Superioris erit, si nimij fuerint, modum iniicere.

*Pœnitentia
impendenda.*

6 Postremò ad præcauenda liberioris conuersationis incommoda, præmonendi erunt omnes in exhortationibus, vt ab huiusmodi narrationibus, & colloctionibus abstineant, adhibeanturque ad eam rem idonei Syndici: & submittantur subinde viri probi spirituales, qui sermones sanctos, & religiosæ recreationi conuenientes inducant: nec desint transgredientibus pœnitentiæ; vel ab ipsamet recreatione ad tempus submouendi, quando hac in re non leuiter eos peccasse Superior perspicuè animaduertit.

QVIBVS DE REBVS NOSTRI

Recreationis tempore colloqui possint.

- 1 **D**E Vitâ Christi, & Sanctorum: deque historiis Ecclesiasticis.
- 2 De Historiis Societatis tum rerum, tum personarum.
- 3 De bonis cuiusque desiderijs ad proficiendum in viâ perfectionis: deque fructu ex meditatione collecto.
- 4 De bonis desiderijs iuuandi proximos,

præ-

præsertim inter hæreticos, & infideles.

- 5 De rebus, quas in sacris lectionibus, aut concionibus audierunt, vel inter prandendum, aut cœnandum.
- 6 De Spiritu & Instituto Societatis: de Cōstitutionibus, de Regulis, & gratiâ Vocationis: cum humilitate tamen, simplicitate, ac deuotione in Domino, ad perfectam eorum obseruationem.
- 7 De suâ cuiusque vocatione.
- 8 De Virtutibus, iis præsertim, quæ Religiosis peculiare sunt: idque iuxta gratiam & proprietatem nostræ vocationis.
- 9 De Vitiis contrariis, non tamen carnis.
- 10 De Morte, Iudicio, Inferno, Paradiso.
- 11 De iudiciis Dei occultis, ac manifestis.
- 12 De miseriis mundi; deque periculis eorum, qui in seculo degunt.
- 13 De securitate eorum, qui in Societate viuunt: cum humilitate tamen, nihil eam aliis Religiosorum Ordinibus præferendo: sed frequenti spiritu eius gratiam magnificando in Domino.
- 14 De bonis operibus, quæ conferuntur in proximum.
- 15 De Virtutibus, ac religiosâ conuersatione Patrum ac Fratrum; eorum præsertim, qui vel procul absunt, vel requiescunt in Domino.
- 16 De Hæreticis, & Infidelibus nostræ tempesta-

pestatis: quod spectat ad concipiendum
animum vt aduersus illos pugnemus in
gladio Spiritus, atque oremus, vt Do-
minus eos conuertat.

- 17 De his tandem rebus loquantur, quæ pos-
sint simul & relaxare animos, & ad spi-
ritualem ædificationem facere. Ex autem
erunt, quæ minimum habeant specul-
tionis, affectus verò habeant religiosè
honestos, ac suauiter religiosos.

1 NE sint Nostri in recreatione singulares,
solitarij, aut tetrici.

2 Ne leues in actione..

3 Ne immodesti.

4 Ne verbosi,

5 Ne iracundi.

6 Ne contentiosi, aut ironici.

7 Ne in incessu incitari.

8 Ne molesti, aut acerbi.

9 Ne voce utantur elatiore, aut cachinnis.

Ex libro Theanij
2. 1. 1.

INSTRVCTIO XIV.

Pro Concionatoribus.



Cum in antiquâ Instructione, & Regulis Concionatorum abunde prouisum sit; nihil prætereâ addendum esse Patres censuerunt, præter illa duo.

Ex Deputatione pro Concionatoribus.

Primum, Vt quoniam vsu ipso comperimus, siue operariorum inopiâ, siue Superiorum neglectu, minimè executioni mandari quod in §. 7. eiusdem Instructionis præscripsimus; Vt qui biennium ad repetenda studia non habuerint, si concionandi talenta non defuerint, per duos annos priuato studio Sacræ Scripturæ, legendisquæ Patribus, ac sanctę meditationi vacent; operæpretium visum est, seriò, iterumquæ Prouincialibus commendare, vt vnus saltem anni spatium iisdem absque vllâ dispensatione aut dilatione attribuant.

De tempore Concionatoribus attribuendo.

Alterum est, vt quemadmodum, ne paupertatis nostrę synceritati labes aliqua proprii vsus aspergatur, factum videtur satis §. 5. Instructionis ad renouationem spiritus, ne duplices vestes in cubiculis, & instrumenta ad iter agendum vt propria asseruentur; ita vt necessitati iter agentium; eorumquæ qui in Missionibus versantur, cum caritate prospiciatur; ad-

De necessariis suppeditandis concionatoribus.

nitendum erit Superioribus ne quid eiusmodi desideretur : sed liberalem se quisque exhibeat debito cum amore : ne dum paupertatis velimus amantes nimium videri , caritas ipsa lædatur, & occasio illis detur, dum aliunde inconsulto Superiore sibi providere coguntur, aliquid patrandi, quod proprietatem sapiat. Quare Prouincialibus enixè incumbendum erit, vt in maioribus Collegiis, & proportionem quadam in minoribus, impensis Prouinciæ, vel aliquâ aliâ ratione peculiaris quispiam locus sit, in quo huiusmodi res asseruentur ; ex quo necessaria Concionatoribus, atque iter agentibus abundè suppedientur.

INSTRUCTIO XV.

Pro Confessariis, & omnibus
Sacerdotibus.



RÆTER ea, quæ in Regulis Sacerdotum & Instructiōe pro Confessariis statuta sunt, hæc visa sunt Patribus deputatis Congregationis VI. præscribenda.

CAPVT PRIMVM.

De non accipiendis eleemosynis.

1 CVM difficile sit Principibus viris Confessarios de Nostreis postulantibus denegare; vt integrè hac in re, & syncerè agatur; nève, dum aliis nostris ministeriis prodesse cupimus, paupertati nostræ damnum inferamus; statuit Congregatio, vbi Instructionem illam pro Confessariis Principum à R. P. N. Claudio Aquauinuâ confectam suâ auctoritate sancit, nemini Nostrorum licere, eo maximè nomine, quòd cum Principibus ac viris primariis familiariter agant, vel eorum Confessarij sint, ab iis quicquam ad proprium vsum ac dispositionem accipere: neque Superiores ad eam rem potestatem facere posse; eo nequaquam impunè abire permissò, qui hac in re defecisse deprehenderetur. Quod item omnino iudicium esse voluit de aliis Confessariis, Concionatoribus, Præceptoribus, & similibus, erga pœnitentes, deuotos, consanguineos, amicos; maximè verò de iis, qui in Missionibus versantur.

Interdicuntur eleemosyna ad proprium usum.

Superioribus facultas adimitur.

2 Quòd si sponte aliquid offeratur, aut cuiuspiam mittatur, id iuxta Reg. 64. Præpositi, & 60. Rectoris, in communem vsum accipiat & dispensetur. In casibus verò peculiaribus, prudentiæ Superiorum permittitur

Quomodo dispensanda.

perpendere quid expediat; & ubi dubium inciderit, ad Præpositum Generalem referres

CAPVT SECVNDVM.

De visitandis mulieribus.

Omnes Ordinationes de visitandis mulieribus discussa in deputatione, à Generali Congregatione confirmata.

QVONIAM Decreto 19. Congregationis Sextæ Patribus Deputatis ad renouationem spiritus cura demandata fuit diligenter inspiciendi, utrùm Instructionibus, atque Ordinationibus à R. P. N. Generali sæpè repetitis circa visitationes feminarum aliquid esset addendum; post diligentem rei discussionem retulerunt Congregationi, se percurrisse & expendisse omnia, quæ hac de re scripta sunt, nimirum Instructionem tertiam pro Confessariis, illa præsertim capita, quæ ad confessiones, colloquia, & visitationes mulierum spectant; tum caput duodecimum Ordinationum Generalium, quod totum versatur in executione Regulæ 18. Sacerdotum, vnà cum eorundem regulis eiusdem argumenti; denique binas litteras missas ad Prouincias, alteras 21. Decembris 1605. quæ totæ in eodem versantur; alteras 23. Nouembris 1607. de Nostreis associandis cum domo egrediuntur inscriptas; in quarum postremis magnoperè inculcatur observatio eiusdem Regulæ 18. Atque omnibus visum est, abundè prædictis

dictis Ordinationibus prospectum esse, quantum in humanis prospici potest: nec quicquam amplius desiderari posse, præter exactam executionem. Quorum iudicium vniuersa Congregatio confirmauit.

Ex litteris P. Nostri datis 25. Decembris. 1605.

1 **P**RÆSCRIBITVR vt Superiores immediati præter quotidianam sollicitudinem singulis mensibus diligenter inuestigent, quonam modo hac in parte res se habeat. Singuli mē-
sibus de hac
re inquiren-
dum.

2 Vt Fratres Coadiutores doceantur, cum vesperi domum redeunt, debere se ad Superiorem referre, an Sacerdos, vel cuius alius qualibet ex causâ regulam fregerit: seueriusque animaduertatur in Socios, qui minus fideles hac in re se gesserint, admonitis eorum Confessariis, vt conscientias eorum grauent, si id non faciant: significeturque hoc ipsum in commune Coadiutoribus, ne ignorantiam excusent. Porro in Sociis assignandis, etiam Sacerdotibus, impensior cura & delectus habeatur. Coadiutores
tenentur Su-
periori re-
ferre.

3 Vt accuratè seruentur, quæ §. 3. 4. & 6. continentur de remediis, quibus, eas uti conuenit, quæ frequentius confitentur, & largas tamen moras in confessionalibus trahunt. De frequen-
ter confiten-
tibus.

Itemque quod de syndicis caueretur §. 5. & de visitationibus §. 7. quòd nimirum sine virginitatibus rationibus institui visitationes non debeant, earumque dumtaxat personarum, quæ digne hoc officio, & minimè suspectæ videantur.

Confessionalia congruè disponantur.

4 Quod ad confessiones attinet quæ in templo audiuntur, Superioribus curandum præscribitur, ut Confessionalia patentibus locis constituentur; eaque ita inter se collocentur, ut vnus Confessarius sit quodammodò socius alterius: visitabitque subinde Superior, ne suis locis moueantur, & ut crates integræ sint, atque minutæ.

Tempus ecclesiam adueniendi.

5 Cauetur ne manè intempestiuè, aut seriùs vespèri (nisi fortè cum magna est frequentia, & sufficientibus tum facibus accensis) neque interdiu item à prandio recreationis tempore, aliòve quo ire omnes non solent, in ecclesiam eant Sacerdotes, nisi nominatim accersantur; præter eos, qui ad diem illum sunt designati.

Modus in mulierculis inuandis adhibendus.

6 Ne Confessarij, pauperum mulierum iuandarum prætextu, maiorem quàm deceat familiaritatem contrahant: & ut eleemosynæ, iuxta Regulam Sacerdotum 22. cum consensu Superioris fiant, atque alienâ potiùs manu, quàm per ipsos, quoad eius fieri poterit. Quantumuis enim à caritate inchoetur, res tamen decursu temporis periculi plena, aut certis calumniis obnoxia sit.

7 Ut immediatus Superior vnà cum Præfecto Ecclesiæ, Ædituo, & Syndico quopiam secreto, seorsimve cum singulis expendat, quæ admodum se res habeant, & quàm accuratè in ecclesiâ præscriptæ Ordinationes seruentur: *Superior intelliget an hæc Ordinationes seruentur.*
moneanturque Consultores omnes, quòd inter capita, de quibus ad Generalem, siue ad Prouincialem scribent, hoc vnum esse oportebit, quemadmodum scilicet superiora seruentur, ac præcipuè circa Visitationes, ac Socios.

8 Ut omnes Confessarij, quod aliàs enixiùs commendatum est, per vnus mensis spatium ad Missionem aliquam destinentur (iisdumtaxat exceptis, qui graues ob causas, vel inualetudinis, vel senectutis minimè idonei ad id muneris iudicio Prouincialis videbuntur) quæ res cum magnæ ædificationi libertatiq; pœnitentiæ cessura sit (vt de fructu non dicamus, qui ex Missionibus ipsis colligetur) serio Superioribus inculcatur, vt executioni mandent, omni difficultate peruictâ. *Missiones idem facienda.*

9 Demum vrgendam esse Regulam de non admittendâ vilius pœnitentis obedientiâ; & de potestate alios Confessarios adeundi: libenter faciendâ; vtque ab omni adhærentis affectus specie alienos se Nostri ostendant. Quòd si qua erit, quæ nimis crebrò, qualicumque prætextu, redire videatur, alium ei Confessarium designare oportebit; curareque, vt prior illam à se dimittat. *Libertas faciendæ pœnitenti conueniendi alteri.*

Ex litteris 13. Nouembris 1607. De obligatione Sociorum ad Superiorem referendi.

Tenantur Socii Superiorem referre.

1 **I**N postremis, post seriam commendationem toties repetitæ Regulæ 18. Sacerdorum; vt ostendat quanti illa facienda sit, & in praxim promptè & efficaciter à Superioribus redigatur, præscribit iisdem, vt quamprimùm has acceperint, Fratres omnes aduocent, & admoneant sui officij; scilicet ipsos arctissimè teneri, vt Superiorem referant sub vespertinam eo ipso die, si fortè Sacerdos, vel alius Regulam de Socio secum habendo non seruauerit: quod de iis omnibus, quamuis Sacerdotibus, vel Scholaribus intelligi vult, qui Socij alterius fuerint.

Pœnitentia Socii iniungenda.

2 Vt illi pœnitentiam trium disciplinarum subeundam sibi esse primâ vice intelligant, si Superiorem non admonuerint. Quòd si iterum in eandem negligentæ culpam inciderint, admoneri Generalem oportebit, vt deliberet, an in Societate tales retinendi sint qui in re, quam tanti Societas meritò facit, parùm fideles sese præstiterint. Quamuis de publicis disciplinis imponendis, Superioris prudentiæ permittatur, sicubi hoc medio cum aliquâ notâ defectû Sacerdotis publicari intellexerit: quo tamè in casu secretè minimè prætereundæ erunt.

Cete-

Ceterum hæc Ordinatio de Socio, præter Sacerdotes, non solum ceteros amplectitur, *Omne genus visitationum regulâ Socij comprehendit.* qui Sacerdotes non sunt, siue mulieres inuisant, siue alios ex Nostreis comitentur; sed etiam quæcumque genera visitationum comprehendit, ne (ut religiosæ decentiæ consulatur) ullibi socium solum esse permittant: nisi personæ, quas adeunt, eæ sint, ut per negotia quæ secretum postulent, aut per urbanitatem ipsam minimè liceat esse cum socio.

INSTRVCTIO XVI.

Pro Nouitiis.

VALDE commendatum esse cupimus Magistro Nouitiorum, *Ex Deputat. pro Nouitiis.* ut, iuxta Regulam 44. Nouitij antequam ad Collegia educantur (ad quæ tempore *Nouitij regulæ instructi.* vacationum generalium ordinariè minimè mittendi erunt) probè instructi à Regulis sint: è quibus, quemadmodum plurimum peti debet materia exhortationum, ita non multum erit in singulis regulis immorandum; ut omnes, si fieri possit, ante biennium absoluantur: neque idcirco alterius generis exhortationes interdiciuntur, quas ipsæ profuturas Nouitiis existimabit.

*Exercitia in-
segna semel
obscunda.*

2 Ut quemadmodum, iuxta Reg. 28. & 37. Magistri Nouitiorum, spiritualia Exercitia exactè omnibus in principiis obeunda sunt, ita minimè integrè repetenda altero anno, sed ex parte, iuxta Reg. 39. quando ita in Domino expedire iudicatum fuèrit.

*Manifestan-
da Nouitiis.*

3 Quæ de manifestatione delicti Superiori faciendâ probata ac sancita sunt in Sextâ Generali Congregatione, ostendenda sunt Nouitiis, & declaranda, iuxta Reg. 15. Magistri Nouitiorum; inter alia, quæ ibidem ipsis proponenda explicandaque paullatim dicuntur.

INSTRUCTIO XVII.

Pro Scholasticis.



V. M ad primitias spiritus, ac feruorem, quem initio hausimus in Societate, conseruandum promouendumque tanti sit educatio nostrorum fratrum, qui studiis dunt operam; hæc pauca ad eos, quales instituti nostri ratio postulat, efformandos, addenda censuimus veteri Instructiōni.

*Rarò Scho-
lastici ad ia-
nuam acce-
dant.*

1 Ut ad §. 2. in quo præscribitur, ne assue-
scent nimis colloqui cum externis, aut amicis;
illud addatur, ut ad ianuam, nisi de vnius Re-
ctoris expressâ licentiâ non vocètur: quam ra-
rò

idè admodum oportebit illum concedere; eundemque inuigilare, ne proluxa sint eorum cum externis colloquia. Nisi fortè in locis ubi sunt Vniuersitates, indulgeri plusculum videri possit, vt Prouincialis, vel Rectoris iudicio aliquibus ex Nostri viris probis ac spiritua- libus cura demàdetur, quò in spiritu iuuentur.

*Colloquia
cum externis
interdicuntur.
Ex Dep. pro
Schol.*

2. Et si in vniuersum minimè visum est præscribere, ne Scholastici suorum Magistrorum cubicula ingrediantur; nihilominus tamen cum alicubi mos esse dicatur, vt non studiorum tantum causâ Scholastici suos Præceptores in cubiculis adeant; censuit Congregatio declarandum esse, facturos ipsos contra Regulam communem (quâ nemini in alienum cubiculum ingredi licet, sine generali aut speciali Superioris facultate) si aliam ob causam, quàm solam studiorum in eorum intrent cubicula, aut commorentur. Proinde expedire visum est, vt Superior ipse designet horam Magistris opportunam, quâ possint adiri; extra quam si necesse fuerit Scholasticos agere cum iisdem Præceptoribus, eorumque cubicula ingredi, petant iuxta regulam sibi fieri à Superiore potestatem.

Hora Magistrorum ad eundem assignanda.

33. COMM.

3. Operæpretium visum est, ob incommoda quæ usu comperta sunt, si alicubi generalis facultas dari consuevit, aut huiusmodi mos inualuit, vt Magistri in sua mutuo cubicula intrent absque particulari licentiâ, id in

Generalis facultas mutuo in sua cubicula ingrediendi Magistrum interdicuntur.

postea-

posterum omnibus interdici: in casibus verò particularibus Superiores ipsi expendant, quid in Domino expediat.

Die recreationis in vineâ, ut tempus distribuendum.

4 Ut die recreationis hebdomadariæ cum itur ad prædium seu vineam, ibique cœnatur, meridie per vnam vel alteram horam Scholastici partim studeant, partim orationem matutinam perficiant: quo tempore nulli fas sit vel ludere, vel confabulari; nisi eo elapso signum detur ad recreandum.

Die recreationis in collegio, in quomodò tempus distribuendum.

5 Cum verò per cæli iniurias, vel alias ob causas die recreationis neque ad prædium, neque deambulatum ire licuerit; manè ad recreationem non pulsetur, sed vacetur studiis: à prandio verò, peractâ recreationis ordinariâ, morâ aliquâ interpositâ detur signum ad recreationem per tres horas. Superioris autem erit præcauere, ne irreligiosi clamores, itemque ludi, qui à vicinis audiri possint, permittantur.

Magistri ne inutiliter cum externis colloquia protrahant.

6 De Magistris autem etsi nihil in præsens visum est addendum ad ipsorum Regulas, Superioribus tamen iniungitur, ut diligenter inuigilent, ne in colloquiis, quæ necessariò haberi debent cum externis suis Scholasticis, diutius commorentur, præsertim cum vno aliquo: tempùsve inutiliter, ac parùm religiosè infumant.

7 Ut ante renouationem votorum instituaturs vacatio per triduum; ita ut ab alijs occu-

occupationibus, etiam litterariis, præterquam *Triduanæ*
 ab ordinariis lectionibus matutinis, aut po- *recollectio,*
 meridianis, sicubi fuerint, vacetur. Cuius rei *ante votorū*
 causâ peropportunum & peraccommodum *renouationē.*
 tempus Superiores excogitabū: exempli causâ
 in hyeme Natalitias vacationes, ubi per to-
 tam hebdomadam à studiis feriat: in quibus
 vota renouaturi per triduum exercebuntur in
 rebus spiritualibus iuxta Instructionem. Quæ
 duo capita complectitur: Primū, ut ad col- *Instructionis pro*
 loquia vel negotia cum externis ad ianuam, vel *triduo rite*
 ad recreationem cum domesticis illo triduo *impendendo.*
 non admittantur. Alterum est, quod cū finis
 sit harum feriarum spiritualium, ut ex occasio-
 ne renouationis votorum unusquisque sedulò
 incumbat in omnimodam suimet reformatio-
 nem per examen, & confessionem generalem,
 sequē ipsum introspeciat, expendendò statum
 animæ suæ, & vocationis tam singulare donum
 agnoscendo, quæ tam arctè pariter quemque
 obligat ad diuinæ maiestati pro virili parte re-
 spondendum; operæpretium erit aliquot ho-
 ris meditationi, & orationi, præter pij alicuius
 libelli lectionem, impensè vacare: atque in eum
 finem vsui esse poterunt nonnullæ Meditatio-
 nes, quas hac de re P. Franciscus Borgia fel.
 mem. scriptas reliquit, aut id genus aliæ, quas
 Superior, vel Præfectus, spiritus fini, quem in-
 tendit Societas, profuturas indicauerint.

INSTRVCTIO XVIII.

Pro executione vrgendâ.

Fiat catalogus eorum, quæ Superioribus præstanda sunt.



1. D. faciliorem notitiam eorum, quæ Superiores scire convenit, ut ea exequi possint; operæpretium visum est confici Catalogum eorum, quæ Superioribus, tum Prouincialibus, tum localibus præstanda sunt; ut omnia siue ex Regulis, siue ex Ordinationibus compendio collecta memoriæ subsidio sint.

Quid singulis hebdomadis, vel alternis.

2. Proderit ad eamdem notitiam, ut Superiores cum suis Consultoribus tempore ordinariæ consultationi singulis hebdomadis vnâ perlegant aliquid ex regulis, vel Ordinationibus, vel Instructionibus, & similibus.

Quid singulis mensibus.

3. Singulis quibusque mensibus legi oportebit in consultatione memoriale earum rerum, quæ à Prouinciali, vel Visitatore executioni mandandæ relictæ sunt; tum ne memoriâ excidant, tum ut suo tempore à Consultoribus moneri possit Prouincialis de executione. Ideoque eisdem, quemadmodum & Admonitori, communicandum erit eiusmodi memorialis exemplar, iis expunctis, quæ particulares personas attingunt. Ceterum enixè commendatur Visitatoribus ac Prouincialibus,

Quibus memoriale communicandū.

bus, ut à novis Ordinationibus absque necessitate multiplicandis abstineant, easque relinquunt, quæ facillè executioni mandari possint; easque non nisi primùm Superioribus, iisque, qui iudicium ferre poterunt, ostensas, iuxta Regul. 134. Prouincialis. Expedit enim ob difficultates, quæ ex ipsis Ordinationibus oriuntur, præsentem potius audire, quàm absentem; & expungere, si quæ expungendæ erunt; vel Superiorem, ceterosque capaces reddere, & ad executionem cohortari.

Ne Ordinationes multiplicentur Superiores primùm audiendi.

4 Formanda aliqua capita, de quibus Superiores & Consultores suis temporibus ad Prouincialem scribant, ne in scribendo incertum vagentur, easque negligant, de quibus necessariò esset Prouincialis monendus: hæc autem desumi poterunt ex Instructione pro Consultoribus.

De quibus ad Prouincialem scribant Consultores.

5 Superioribus localibus præscribitur, ut semel in mense, primâ videlicet hebdomadâ, pro ordinariâ consultatione agatur de executione: scilicet, an aliquid domi sit quod negligi videatur: an vigeat regularum observatio, tam communium quàm officialium: an notetur aliquarum frequens transgressio: an Superiorum Ordinationes executioni mandatæ sint, præsertim earum quæ in memoriali relictae sunt à Prouinciali; quæ eodem ipso tempore legendæ erunt, si nondum executioni mandatæ fuerint. Porro de hoc capite specialiter & diser-

Agatur in consultatione de executione.

Scribant de hac re ad Generalem Consultores.

diser-

disertè scribant ad Præpositum Generalem, & ad Prouincialem Consultores.

*Quid præ-
stadium Pro-
uincialis sin-
gula mensi-
bus.*

6 Principio cuiusque mensis instituat Prouincialis cum suis Consultoribus consultationem, in quâ inquirat quæadmodum se habeat totius Prouinciæ disciplina, quid de eâ sciatur, quid audiatur, quid ipsemet Prouincialis à Rectoribus, eorumdemque Consultoribus acceperit. An verò huiusmodi consultationes fiant, quo fructu ac satisfactione, monèdus erit Præpositus Generalis à Consultoribus, cum ad eumdem quater in anno scribunt.

Quarè ad faciliorem vsum, perscribi oporteret nonnulla capita singulis mensibus in Consultationibus examinanda: iis magis inhærendo, quibus nondum plenè satisfactum videtur; præsertim circa abusus, si qui in Prouinciâ sint.

*Prouincialis
Superiores
monentur.*

7 Adnitendum Prouincialibus pro viribus, vt sibi Superiores locales deuinciant, & amanter cōfidenterque cum illis agant, ostendâtque se de felici illorum gubernationis successu, & auctoritate apud Subditos tuendâ esse sollicitos.

*Subditorum
querela exa-
minanda.*

8 Vt examinentur diligenter querelæ Subditorum contra Superioris rigorem, ad singulares casus descendendo; ne rigorem appellare consuecant Religiosam disciplinam Subditis velle exigere, & exactam Regularum obseruationem: perpendaturque, cui de

non-

nonnullis Superioribus raræ admodum interdum obaudiantur querelæ; an quia, licet fortes in disciplinâ, suaves tamen sunt; an verò quia remissi & indulgentes, qui que neminem contristare velint, ut in pace vivant.

9 Ut mediati Superiores non ita faciliè credant delationibus, expedientes, & rationes & excusationes quas afferunt immediati: & ubi sine culpâ fuerint inuenti, monèdi seriò à Provinciali Delatores erunt, ut cautiore sint in posterum: curentque ut Subditi intelligant, valdè probari sibi zelum Superiorum in promouendâ disciplinâ iuxta officij sui munus. Proinde Superiores mediati, siue præsentés, siue absentes sint, nullam omittant occasionem immediatos ad executionem cohortandi, virgendi que: per quos pari ratione inferiores omnes ad eandem excitandi erunt.

Causæ delationibus credendum.

Mortandi omnes ad executionem.

10 Promouebit non parùm executionem si vigeat disciplina, & vsus reprehensionum, aliarumque pœnitentiarum in transgressores legum, præsertim negligentes paterna monita, seruato ordine in Regulâ 20. Præpositi, & 27. Rectoris præscripto: ita ut omnino sibi persuadeant Subditi, veniendum tandem fore ad extrema, dimissionem videlicet, si opus fuerit, quando cetera media nihil profuerint. Qui sane Regularis obseruantie rigor vniuersos attingere debet, vel antiquiores, & seniores ipsos; imò & Superiores, si officio suo defue-

Pœnitentiæ executione promouenda.

Omnes etiam Superiores, in religiosâ disciplinâ continendi.

rint, ad aliorum ædificationem & satisfactionem, & quòd liberius executionem promovere queant, omnesque intelligant, nullam sibi iniuriam fieri, aut notam aliquam infamiae inuri, si ob regulares defectus publicis pœnitentiis mulcentur.

*Præfente
Prouinciali
executionis
mandanda
sunt.*

xi Ceterum cum executio potissimum posita sit in opere ipso vrgendo potius, quàm in legibus scribendis; expedit, vt Visitator ac Prouincialis in suis visitationibus ea quæ remedio egere intellexerint, quippe quæ liquidò Regulis obuerfentur, neque moram patiantur, curent omnino ante suum è Collegio discessum executioni mandare. Quo fiet, vt maiore suauitate & efficaciam fiant, & Superiores immediati graui quadam molestia deonerentur: ipsique met incipient, quæ sunt muneris sui exequi, minimeque ad Prouincialis aduentum medicinas malorum præstolari. Quæ verò statim executioni mandari non poterunt, in memoriali, vt dictum est, notentur. Quòd si in posterâ visitatione Superioris culpâ nonnulla neglecta fuisse deprehenderit, is minime impunitus abire debet; ne Subditi offendantur, opinantes ea solùm fieri, quæ Præposito aut Rectori arrident; cetera oscitanter negligi. Porro Superiores, qui continentem negligentes ac remissi in Ordinationum executione fuerint, remouendi omnino erunt ab hoc munere, Generali Præposito præmonito;

*Superiores
remissi, vel
corrigendi,
vel exponen-
di.*

ne ipsorum nimia conuertiâ Religiosa disciplina penitus dilabatur.

12 Postremò plurimum momenti habebit, si Superiores omnes Societatis cum Præposito Generali, & Localis cum Prouinciali ^{Superiorum consensus in disciplinâ promouendâ.} ad vrgendam executionem conspirent: ita vt omnes intelligant, sibiq̃ue persuadeant, vnum eundemq̃ue in Societate animum esse in disciplinâ promouendâ; neque ad Superiores mediatos recursus in hac re quidquam prodesse posse. Eandemq̃ue conspirationem in quolibet Collegio aut Domo esse oportebit in Superiore cum suis Consultoribus, Admonitore, & Præfecto spiritus, aliisque, qui promouere possunt executionem; ita vt idem sentiant, & dicant omnes. Quod si antiquiores aliquos obloqui de eâ contigerit, monendi seriò, & coërcendi erunt, si necesse fuerit, etiam publicis pœnitentiis, ne alios turbent, minusq̃ue suauem executionem reddant.

INSTRVCTIO XIX.

De promouendis ad gradus
Societatis.

*Ad Caput III. de Examine in litteris
faciendo, hac addenda.*

*No per su-
perioris pericu-
lum doctrina
fiat.*



Examen doctrinæ per-
functoriè fiat, sed seriò, &
vt verè constet Præposito
Generali de sufficientiâ
litterarum: proinde ex-
actè seruanda curent Pro-
uinciales, quæ eodem

capite præscribuntur.

*Examina-
rum iudicia
scribantur.*

2 Vt in libro quodam peculiari, penes Pro-
uincialem asseruato, Examinatorum iudicia
scribantur singulorum singula; die, & anno an-
notatis ab ipso Prouinciali, vel ab eo, qui præ-
erit examini; quamuis & ab vnoquoque Exa-
minatore idem iudicium seorsim scribendum
erit ad Generalem. Ij verò cùm iudicium de
doctrinâ ferunt, vel ad Præpositum Genera-
lem scribunt, solùm de sufficientiâ in litteris lo-
quantur, tantane sit, quanta in Constitutioni-
bus requiritur; an videlicet supra mediocrita-
tem sit, vel infra, vel in quo tandem gradu, iuxta
formu-

*Quomodo
ferendum
iudicium.*

formulam scribendi; minimè recensitis superfluis, aut concionandi, gubernandiq̃ue talentis (de quibus in informationibus locus est agendi) & Præpositi Generalis erit diiudicare, ac dispensare, si necesse fuerit.

3 Et si quatuor minimùm assertiones ex quatuor partibus S. Thomæ, & tres ex cursu Philosophico (Logicâ scilicet, Physicâ, & Metaphysicâ, quarum vnaquæque tria membra saltem habebit) defendere debebit, qui examinandus est ad professionem; tamen eæ esse debent huiusmodi conclusiones, vt minimùm præcipuas Theologiæ ac Philosophiæ difficultates & materias inuoluant: quæ ab ipso Superiore cum Præfecto Studiorum examinando assignentur; cui quod satis sit spatij necesse erit dare, ne imparatus accedat.

*Ex Deputat.
pro studiis.
Assertionũ
materia, tẽ-
pusq̃ assigna-
tur.*

INSTRVCTIO XX.

Ad studia promouenda.



Et si aliàs sæpè diuersis ex causis litterarum humaniorum studium valdè commendauimus; cùm minimè obscurũ sit, quantoperè Dominus Deus noster vel ab ipso exordio Societatis nostræ animarum auxilium, præsertim adolescentium, hac

*Ex Deputat.
pro studiis.*

*Cohortatio
ad humanio-
ra studia pro-
mouenda.*

ratione promouerit; nunc tamen, quando noua se offert occasio, ex variis Instructionibus, inter ceteras hanc vnâ pro studiis, confectam in Deputatione de hac re habitâ in Sextâ Generali Congregatione, ad Prouincias mittendi, nullo modo prætereundum visum est (ob varias querelas à Patribus compluribus habitas, quarum nos quoque nonnullas multò antè inaudiueramus, huiusmodi litteras non solum non florere, vt antea, in Societate, sed alicubi etiam languere apud Nostros,) quin iterum, maioremque in modum perhortaremur Superiores, in primis Prouinciales: vt omni studio excitare atque accendere connitantur harum litterarum studium, non solum in Nostris, verum etiam in externis: quandoquidem certum est huiusmodi defectum oriri non tam ex perexiguo numero eorum qui possint, quam qui velint se illis addicere; ac perleui etiam Superiorum propensione & industriâ in illis, vt oportet, fouendis promouendisque.

I Quamobrem magnoperè optamus, vt Prouinciales omnes non solum seruanda curent diligenter, quæ hac in parte in libro studiorum præscripta sunt, Regulis præsertim suis 18. 22. 24. 26. 29. 38. atque in 8. 9. 10. 11. & 29. Rectoris: sed reipâ iidem ostendant sibi cordi esse hæc studia; plurimique eos facere, qui ea non vulgariter callent, vt eorum quali patrocinio magis inflammentur, excitenturque

*Maximi faci-
siant Superi-
ores hac
studia.*

turque alij ad eadem alacriter amplectenda.

2. Vt in hoc quasi primo congressu Prouinciales cum suis Consultoribus, aduocatis *Causa & media querenda.* iis, qui diu multumque in hac palæstrâ versati fuerint, seriò ac sedulò agant de causis, de quæ auxiliò ferendo: & sicubi fortè minimè remedio opus fuerit, adnitendum illis erit, vt magis ac magis promoueantur: curentque, vt post exactam executionem eorum, quæ in libro studiorum præscribuntur, si quid amplius occurrerit, quod non parùm profuturum *Si quid Generali suggerendum.* speret tum ad styli comparisonem, tum ad auctores exactè & cum fructu legendos, periculum faciant, & ad nos mittant exemplum: quenadmodùm Prouincialibus faciendum erit cum singillatim quid hac in re præstiterint, adnondum erimus.

Ceterùm ad hæc studia promouenda satis erit præsidij, si non solùm eos in Societatem admittant, quoad eius fieri poterit, *Quinam ad hæc studia applicandi.* quæ probè ab illis instructi parati que sint; veùm etiam si pro viribus studebunt, non vigares ingenio, & ad cetera parùm aptos adhæc studia addicere; sed eos, qui præter vin ingenij, aliarum scientiarum præsidia, aducem habuerint. Quo fiet vt & hæc studi in pretio apud alios haberi incipiant, & quàm plurimi his in litteris hoc nomine nobiliores fiant: in quibus difficilior fortasse ferit vel vnum quempiam inuenire, quàm

non paucos in aliis scientiis, experientiâ hoc ipsum in dies edocente.

Part. 4.
Loqui Latine.

4 Quandoquidem B.P.N. IGNATIUS inter cetera ad studia promouenda hoc vnum tamquàm præcipuum, iis præsertim quæ Humanioribus vacant, Latini sermonis vürpationem esse voluerit; seriò Superiores incumbere oportebit in exactam Regulæ communis obseruationem, in 8. Rectoris libri studiorum explicatam: in quâ cum dicitur (*des vacationum*) non generales studiorum feræ intelligendæ sunt; sed hebdomadariæ tantùm eorumque dierum spatium, quibus commorabuntur in villis.

Quando vulgari idiomate loqui liceat.

Reg. 7. Præfecti stud. Ad alios Theologicos statuendos alterius iudiciū ad Magistrorum & Præfecti adiungi potest.

5 Et si cū siue totius Theologiæ, siue partis alicuius theses defendendæ sunt, satisfacturque videantur esse Magistrorum ac Præfecti studiorum iudicia, quibus discipulorum doctrina perspecta esse debet; tamen si iustas ob causas Prouinciali videretur esse alas adiungendus, idque commodè fieri possit, permittimus eius arbitrio; dummodò is sit, qui & iudicium de doctrinâ tutò ferre possit, & eos, de quibus iudicandum est, prole nouerit.

Casus scientia commendantur.

6 Curandum insuper est, vt Theologi, & Casistæ Scholastici in Casibus conscientiarum maxime instructi sint, cū minimè obscurus sit, quàm res pernecessaria sit Operariis Societatis. In quam quidem rem vehemente cupi

cupimus à Superioribus diligenter incumbi, vt fructus re ipsâ constet, ratione ad eum consequendum ab ipsis excogitatâ. Quamuis abundè satis nobis prospectum videatur, si hebdomadaria Casuum collatio in primariis Collegiis iuxta Regulam Prouincialis in libro studiorum diligenter habeatur.

Regul. 14.
Prou. &
Reg. 7. Prof.
consc.

INSTRVCTIO XXI.

Pro visitatione Prouincialis,

*Ex variis Regulis, Ordinationibus, &
Instruccionibus collecta.*

Quemadmodum se gerat Prouincialis in obcundâ Prouinciâ cum fructu: de què eiusdem statu Præposito Generali aperiendo.

Ex Deputat.
pro Superioribus.



V M sit valdè proprium Prouincialis officij Prouinciam obire, præter ea, quæ habentur cap. 9. 12. 14. & 15. & ibidem Reg. 29. & 69. ne quid eorum prætereat, quæ sui muneris sunt, & vt Generali Præposito, vti par est, status to-

tius Prouinciæ innorescat, hæc ferè in visita-
tione præstanda illi erunt,

*Qua Instru-
ctio in vi-
sitatione, &
cum quibus
legenda.*

Primò iuuabit, si dum Prouinciæ suæ loca
visitat (cum maximè cum & temporis spatium
permittere, & necessitas aliqua id postulare
videbitur) ex Instructionibus singulas cum
singulis legat ad quos spectant, præter pro-
prias regulas officij cuiusque; scilicet pro Præ-
fectis spiritualibus formandis, pro Conciona-
toribus, pro Confessariis, pro Missionibus,
pro Nouitiis cum eorum Magistro, pro ter-
tium annum agentibus cum Instructore. Præ-
tereà coram Rectore, Ministro, & Consulto-
ribus Instructionem pro Confessariis, de ra-
tione scribendi, de renouatione spiritus, pro
Coadiutoribus, pro annuis colligendis, & pro
Scholasticis, ubi eorundem est Seminarium;
proderitque non parùm in primo congressu
litteras ad Superiores datas anno 1604. die 20.
Augusti, percurrere.

*Qua in visi-
tatione Vni-
uersitatum,
& studiorum.*

2 In Vniuersitatibus iuuabit eodem mo-
do, si præter Regulas officij sui cap. 6. percur-
rat item suas, quæ sunt in libro studiorum;
cum Rectore Regulas eiusdem; cum Præfecto
studiorum, & quas habet proprias, & quas
communes Professoribus superiorum faculta-
tum; & cum singulis eorundem singulas; de-
nique cum Præfecto inferiorum facultatum
Regulas eiusdem, & communes Professoribus
earundem.

3 Intelligat, an ex Ordinationibus Generalium, quæ statuta sunt de libris prohibitis, quæve circa monita ad Prouinciales, ^{Quæ Ordinationes non seruantur.} horam considerationis, intercessionis, & patrocinia præscripta sunt; quæque in Formulâ scribendi Superioribus & Consultoribus præscribuntur, seruentur. Interroget quoque num aliquid contra Canones 12. 13. 20. v. Congregationis Generalis commissum sit: an in suâ, vel alienâ Prouinciâ quispiam sit, qui malo vitæ exemplo, vel doctrinâ ceteris obstit: moneatque Generalem, quemadmodum ipsi Prouinciales ex Decreto vi. Congregationis tenentur.

4 Cognoscat an fiant conferentiæ Casuum, an exhortationes alternis hebdomadis, ^{Quid ipse præstabit.} fructuosè, & ad cor; an item conferentiæ de Instituto quintodecimo quoque die inter Rectorem, Consultores, & quos Prouincialis designârit: & an eâ de re ad Generalem scribant. Ipse verò nullum Collegium prætereat, quin semel saltem huiusmodi conferentiis intersit, vt illas dirigat. Porro Superiores instruat, iuxta præscripta in Formulâ de aptis ad gubernandum, in Instructione pro Superioribus, & in litteris ad Superiores impressis, & in Regulis Visitatoris 24. 26. 27. 40. 41. 42. & 43. sensimque periculum faciat de iis, quos ad regimen iudicabit idoneos.

5 Exigat ab aliquibus disciplinæ amantibus,

*Quæ de Superioribus
querenda.*

tibus, bonoq̃ue iudicio ac prudentiâ præditis, quemadmodum Superiores in rebus spiritualibus se habeant: an passiones doment, & virtutes acquirant, num cum externis nimium occupentur, & ad exteriora sint nimium effusi: quàm seriò spirituali curæ, cultuiq̃ue interno Subditorum vacent; politice, an paternè regant. De Præfectis itidem spiritualibus, quemadmodum suo munere fungantur, & an exemplo & instructione iuvent in spiritu.

*De Congregationibus,
& scholis.*

6 Congregationes, & Oratoria, quæ in nostris locis habentur, inuisat; eorumq̃ue Regulas examinet, an seruentur, & an accommodæ sint ad illarum finem: idemq̃ue de Academicis ex earum Patribus intelligat, quas habeant exercitationes: de fructu, deq̃ue regularum obseruatione: à Præfectò verò atrij, vel scholarum Inferiorum cognoscat, tum Magistrorum, tum Scholasticorum externorum disciplinam.

*De quibus
consultet.*

7 In Domo professâ, vel in maximo Collegio quotannis consultationem instituat, aduocatis, præter suos Consultores, aliquibus antiquioribus Patribus, in quâ de rebus maioris momenti pertractet; inter cetera, de promouendis ad gradus, de aptis ad gubernandum, de satisfactione, quæ auditur de gubernatione singulorum Superiorum Prouinciæ, de Præfectis rerum spiritualium instituendis,

&c

& Seminariis præfigendis; denique de sacris initiandis, vel ad tertium probationis annum mittendis; & similibus.

8 Curet quotannis singulis in Collegiis ac Domibus ad mensam legi, ante renouationem votorum, litteras de renouatione spiritus, de perfectione, & caritate fraternâ, de *Qua legenda quotannu ad mensam.* conseruatione Instituti, Regulas Scholasticorum, & Coadiutorum temporalium; Catalogum P. Natalis, quibus de rebus nostri recreationis tempore colloqui possunt; denique *Dec. 75. §. 5. Cong. 7. Ex Instruct. pro Concioneat.* Generalia monita, quæ ab omnibus obseruari oportebit.

9 Quæ verò per se ipsum minimè præstare poterit, Socio committat; ea videlicet, *Qua Socio committenda.* quæ parui sunt momenti: iubeatque ad se referre, quæ dubia sunt, & quænam executioni mandauerit. Itaque non exiguo onere à Socio leuari poterit, si temporalia, de quibus cap. 9. in Regul. Prouincialis; si archiuum, iuxta Regul. 19. 20. 21. si instrumenta itineraria communia Prouinciæ, vel alicuius Collegij propria; si rationes accepti, & expensi; si officinas, & æconomiam domesticam, si an extent libri Ordinationum iuxta Instructionem inspexerit: si colliget numerum Sociorum in Sodalitiis, Scholasticorum externorum, & ordinariorum pœnitentium. obseruabitque vniformitatem consuetudinum in Prouinciæ domiciliis. Quoniam verò mone-

re

re debet Prouincialem de iis, quæ dicuntur in Instruktionẽ pro Superioribus, eidemque suggerere, si quæ fortè ille præteriret ex spectantibus ad suum munus; quò commodius id præstare possit, eius instructionis exemplum penes se habebit, eamque singulis in Collegiis percurreret, obseruando si quid obliuioni datur.

*De quibus
ad Generalem
scribat.*

10 Meminerit etiam Prouincialis, sui esse muneris, quotannis scribere ad Præpositum Generalem de iis, quos ad Sacros Ordines promouerit: quos Præfectos spiritus præfecerit, & quomodo se gerant: quos de defectibus cur promotio ad gradum differretur, scripto monuerit: cur tempus vel priuatim sanctis Patribus legendis futuris Concionatoribus, vel tertij anni probationem aliquibus differri oportuerit: quemadmodum in hac probatione se gesserint: quinam libri prohibiti in Collegiis asseruentur: Vt Superiores in modo exigendi rationem conscientiae se gerant: quos Examinatores Promouendorum ad gradum designauerit, vt à Generali confirmentur: quos Consultores, & Admonitores elegerit: num obseruetur Ordinatio de non visitandis feminis: quomodo Superiores præstent, quæ habentur Instr. pro Superioribus: vt Conferentiæ pro formandis Superioribus successerint: tandem quinam remissi ac negligentes in gubernatione sint. Prætere
quos

quotannis mittat ad Generalem Informationes ad gradus: sub finem cuiusque anni tertium Catalogum, & puncta pro annuis; catalogum etiam eorum, qui professionem Indicam postulant, præmissâ informatione status, ac talentorum quæ habent; speciatim necessitatis parentum, cum iudicio eiusdem Prouincialis. Postremò tertio quoque anno Catalogos communes, & informationes ad regimen per Procuratorem mittat.

Quæ informationes Romanæ mittet.

II Peractâ visitatione cuiusque Collegij ac Domus, vel Prouinciæ, prout ipsi commodum fuerit, litteras de singulis domiciliis ad Generalem scribet, quæ tria capita comple-

Litteræ ad Generalem danda.

ctentur; ut iuxta Reg. 92. sui officij, Præposito Generali aperta sint omnia. Primo quidem ea exponet, quæ ad personas ipsas spectant, & talenta, moresque describet tum Superioris; an spiritualis, an suavis, & fortis in gubernandi ratione, an politicus, & an in illo munere retinendus, an amouendus; tum subditorum, quinam illi sint, spirituales, obediens, an difficulti; quæ ministeria obeant, quo fructu, & quâ satisfactione. Altero statum spirituales Collegij, ac Domus indicabit; an vigeat regularum observatio, an langueat, & quinam frequentes defectus, quæ causæ, quæ remedia adhibita: idemque erit iudicium de ministerijs nostris, recte obeantur, quo fructu, quâ frequentiâ. Tertio denique temporalem statum

De personis.

De statu spirituali loci.

De temporalis.

osten-

ostendit: nimirum quot alantur, quibus redditibus, siue eleemosynis, & an ære alieno grauentur, & quomodò occurrendum. Quæ omnia compendiò explicari oportebit; & tum maximè, cùm aliàs scripta non fuerint, aut aliquid erit noui, de quo certiolem fieri oporteat Generalem.

F I N I S.

*Ex Libris Marci
Solarij*

IN-

I N D E X.

A

Absolvere à censuris
Nostri, quâ formulâ
debeant. 23.

Accipere ad usum propriû,
nihil cuiquam licet. 83.
accipiendi, dandiq; facul-
tas generalis non facîle cõ-
cedenda. 73.

Antiquiores paupertatis e-
xemplo praludere alius de-
bent. 8. patrocinia iunio-
rum ne suscipiant. 34.

B

Borgia meditationes
eriduo recollectionis
ante votorum renou. le-
genda. 93.

C

Casuum conscientia stu-
dij commendatio 104.
hebdomadaria in prima-
riis Collegiis collatio. ibi-
dem. & 26.

Coadiutores temporales qui-
nam difficilîus admitten-
di. 31. 32. quibus de rebus
in Nouitiatu præcipuè in-
struendi. 32. per annum in-
tegrum in eo retinendi.
ibid. In Collegiis altero
anno habere aliquem de-
bent loco Magistrî. 33. pu-

blicis officiis ante bienniû
non occupandi. ibid. quâ cu-
râ in Collegiis iuuandi. 36.
conferentia ad illos inter-
dû loco doctrina Christia-
na. 37. soli ut exeant non
facîle permittendum. 38. ad
pradia procuranda quales
deligendi, & quomodo ver-
sari in iis debeant ibid. non
contenendi, neque vexan-
di, sed in quiete fouendi.
ibid. docendi, ut ad Supe-
riorem referant de iis, quo-
rum socij fuerunt. 85. quâ
pænâ mulctandi, si non re-
ferant. 88.

Colloquia ad ianuam refra-
nanda. 67. præsertim in
Scholaisticis. 90.

Communione frequentia in
ecclesijs nostris. 19.

Cõcionatores quæ potissimûm
sectari, quæ vitare debeant.
14. singularitates illis ex-
emptionesq; non facîle cõ-
cedenda. ibid. de iis qui cibis
Quadragesimalibus vesci
non possunt. ibid.

Concionatores futuri in vir-
tutibus stabilendi 10. de-
scribendis aliorum concio-
nibus tẽpus ne terant. ibid.

H

ad

- ad aliorum imitationem
quatenus se componit. 13.
priuato antè studio scri-
ptura & meditationi va-
cent. 14. 81. qui rariora
ostendunt **talenta** ne diu
in docendo retineatur. 15.
- Conciones in refectorio qua-
les esse debeant. 11. bidui
spatium ad eas **parandas**.
12. non permittendum ut
immodicè laudentur aut
carpantur à quibusuis. ibi.
- Concionum praefectus, eius-
que officium. 11. 12.
- Conferètia casuum. 26. 105.
de modo **inuandis** **proxi-**
mos. 27.
- Confraternitates** in missio-
nibus inchoanda, vel pro-
mouenda. 64.
- Confessarii** maturi sint mo-
ribus. 15. affici ad munus
suum debent. & tenuiores
libenter audire. 22. spiritum
ac zelum quo **modo** exci-
tantur. 22. etiam quara-
tione **ut** **abunt**. 23. in mu-
lierum confessionibus ob-
seruare qua debeant. 16.
17. 18. earum, ac praesertim
pauperum familiaritatè
caueant. 86. communionem
intra hebdomadam ne cō-
cedant. 19. Ad Ecclesiam
intempestiue ne accedant.
86. poenitentes suos al-
ter **ne** **agre** **ferant**. 87.
notitia per confessionē ha-
bita uti caueant. 30. ab-
soluere à censuris qua fir-
ma debeat. 23. ad tempus
interditi mutandi sunt. 22.
in templo si fieri potest **quo-**
tidie **aliqui** **praesto** **sint**. 23.
- Confessionalia quomodo col-
locanda. 86.
- Conscientia** ratio quo pacto
exigenda. 55. eius & con-
fessionis generalis discrim-
men. 69. cogendi non sunt
nostri **ut** extra confessionē
eam reddat. 70. eius usus
& necessitas in exhorta-
tionibus inculcanda. ibid.
- Consultores ad Prouinciale
scribāt de executione me-
morialis. 95. 96. de Pra-
fecto rerū **spiritualiū**. 93.
- Consultores Prouincialis ad
Generalem scribāt an ser-
uetur ordinatio de ordi-
nandis 6. an cōsultationes
singulis mensibus fiant de
disciplina Prouincia. 95.
- Curiosa nostris iter age-
bus vitanda. 7. Item in re-
liquo vita **usu**. 9.
- D
- D**otus saltem sit **ut**
in singulis Collegiis quos
alios exerceat. 28.

E

Eleemosynas ad proprium
usum accipere non li-
cet. 83. quomodo in mis-
sionibus danda. 63. quo-
modo distribuenda à Con-
fessariis. 86.

Emptores soli ne eant prater-
quam in iis, quæ sunt offi-
cij. 38.

Examē doctrinæ ad gradum
seriō faciendū. 100. quot,
& quales in eo theses esse
debent. 101.

Examinatorum iudicia in
libro notanda. 100. iidem
scribere debent ad Gene-
ralem. ibid.

Executionis urgenda adiu-
menta. 94. &c. ad eam
conspirare omnes debent,
qui promouere illam pos-
sunt. 99.

Exercitia spiritualia Nostris
quotannis obeunda. 67.
concionatoribus frequen-
tāda. 14. item Scholasticis
spiritu remissis. 34. à No-
uitiis initio integra fiant:
altero anno non item. 90.
In missionibus tradenda
Clericis, & Religiosis.
64.

Exercitiorum liber fami-
liaris Sacerdotibus esse de-
bet: 25.

F

Femina officij causa visi-
tari, quæ, & à quibus
queat. 20. 21. 84. in earū
confessionibus obseruanda
16. &c. 85. 86. earū dona-
ria à concionatoribus non
facile admittenda. 14. fa-
miliaritas Confessariis vi-
tanda, præsertim tenuito-
rum. 36.

H

Horologia rotata Nostris
interdicta. 9.

Humaniorum litterarum
commendatio. 101. earum
periti magni faciēdi. 102.
quinā illis applicādi. 103.

I

Imagines magni valoris nō
concedenda Nostris. 9.

Imitari alios quatenus noui
concionatores possint. 13.

Instrumenta contrā suum
Romam mitti quomodo
debeant. 44.

Iter agentibus superflua nō
permittantur. 7. eorum ne-
cessitati prospiciendū. 81.

Itineris instrumenta in Col-
legijs seruāda. ibid. in cu-
biculo esse non debent. 8.

L

Latini sermonis usus cō-
mendatur. 104.

Libri inscribi Ad vltimū non
debet.

debet. 9. qui aliò asportari
Superiorum permissu pos-
sint. ibid. empti alicuius
opera, loco applicandi
sunt. 10.

Lingua vitia refrananda,
auctoresq; inuestigandi, &
puniendi. 72.

Litterarum ad Generalem
necessaria moderatio. 40.
priuatim scribere quisque
potest, cum vult. 41. ser-
uanda scribendi formula,
ibid. prius ad Prouinciale
scribendum, quàm ad Ge-
neralem referatur. 42. de
eadem re iterato non scri-
bendum, non expectato re-
sponso. ibid. Soli inscribē-
da tantum, quae secreta con-
tinent, alia seorsim in aliis
litteris exponenda. 43. quo
charactere, ac methodo
scribendum. 45. alia in his
litteris obseruanda. 46.
Locum mutatio, & quid in ea
curandum. 7.

M

Magistri Nouitiorum
indiciū in dimittendis
ineptis magni facien-
dum. 31. Exercitia spiri-
tualia differri ordinariē
non permittat, ibid. initio
integra fiant, altero anno
non item. 90. erga coadiu-

tores temporales curare qua
debeat. 32. Nouitiorum
bona usque ad biennium
nē, intacta seruet. 33. ne-
que interim quicquā eri-
gat ab eorum parentibus
ibid. Nouitius ostendat, qua
de manifestatione delicti
statuta sunt in vi. Cogreg.
90. Exhortationes habeat
de regulis. 89. Scholasticos
cum educantur, monere
quid debeat. 33. ad Colle-
gia tēpore vacationis edu-
cendi non sunt. 89.

Magistri cubicula inuicem
non ingrediantur sine li-
centiā. 91. colloquendo cū
externis Scholasticis tem-
pus ne terant. 92.

Memoriale in uisitatione re-
lictum. 94.

Minister nē coadiutores ni-
mis urgeat. 39.

Missionum finis. 58. illas ob-
euntibus, quae obserua-
da. 59. & seqq. cum cari-
tate ad eas profectis pro-
spiciendum. 31.

Missionis Superior est, qui
prior in patentibus. 4.

Missiones duorum, aut trium
dierum. 27. a Praefectis e-
rum spiritualium obsequia
posse. 52. à Confes-
sariis etiam adfirmari. 87.

Alte-

Mortificationū tabella tem-
pore vacationum. 35.

N

Natalis Catalogus,
quotannis ad men-
sam legendus. 77.

Notitia per confessionē habi-
ta, uti licere Nostri ne do-
ceant, neque ea utantur.
29. 30.

Novitij cum delectu admit-
tendi. 31. inepti facile di-
mittendi. ibid. Scholastici
per biennium in Novitia-
tu retinendi. 32. coadiu-
tores per annum. ibid.

O

Occupationes Sacerdo-
tum propria. 25. 26.
27. propria Superiorū. 28.

Orationis studium in No-
stris promouere qua pos-
sint. 66.

Ordinibus sacris initiandi
quales esse debeant. 4. 15.
recens ordinari quando ad
mulierum confessiones ap-
plicandi. 15. 16.

P

Patrocinita iuniorum se-
niores ne suscipiant. 34. 35.

Paupertatis puritas, & per-
fectio Nostri in usu rerū
sectanda 7 & seq. 73. nō
solum dominio, sed usu
etiam rerū laedi potest. 9.

Pecunia itineris causa nē
conquiratur à consanguini-
s. 8. nec ad describen-
das lectiones. ibid.

Pœnitentiarum secretarum
usus excitandus. 73.

P. Polanci Directorium, &
methodus Sacerdotibus
nostris commendantur. 25.
in missionibus dari potest
directorium. 62.

Politica agendi ratio Nostri
vitanda. 75.

Praefectus concionum, eiusq;
officium. 11. 12.

Praefectus Ecclesia confessa-
rios observet, an vulgares
refugiant. 22.

Praefectura spiritalis quāti
momenti. 47. quales rerū
spiritalium Praefecti esse
debeāt. 48. & seq. quā
ad hoc munus designandi.

49. quā in magnis Se-
minariis 52. maturè ad
hoc munus eligendi idonei
& formandi 5. quos pra-
ecipuè libros legere debeāt.

51. in aliis rebus parè oc-
cupandi. & quibus nā 52.
erga cœduntur et tempore
les quomodo se gerent. 37.

De ratione orandi nostros
interrogent & dirigant
65. pœnitentias secreto
excitent 74. Superiorum

I N D E X.

*au*toritatem in subdis
cueri studeant. 53.
Principum familiaritas in
nostris praevidenda. 74.
Provincialis Superiores sibi
deuinciat. 96. *subditorum*
de illis querelas diligenter
examinet. *ibid.* *inquirat*
quam cautè in exigendâ
ratione conscientia se ge-
rant. 57. *eos puniat qui*
praescripta non exequun-
tur. 98.
In admittendis delectum ha-
beat. 31.
Confessarios Missionũ occa-
sione interdum mutet. 21.
In cõcionatorũ cibis quo-
modo dispensabit. 14.
In visitatione prestare qua
debeat. 105. *Et quid per-*
actâ visitatione ad Gene-
ralẽ scribere. 111. *A Pra-*
fecto rerum spiritualium
rationem exposcat. 53. *De*
feminarum visitationi-
bis statuatur. 20. 21.
In ordinationibus spectare
quid debeat 95 *quales il-*
las, Et quomodo relinque-
re. *ibid.* *Curet praesens exe-*
cutioni mandari qua sine
morâ fieri possunt. 98. *de-*
lationibus faciliè ne cre-
dat. 96. 97.
Inio mensis consultet de so-

tius Provincia disciplina
96. Consultores monasterii
scribant Generali an po-
uetur ordinatio de prom-
uendis ad ordines. 6. *Gene-*
ralem moneat, quos res
spiritualium praesentibus
signarit, praesertim in ma-
ioribus Seminariis. 14.
Studia humaniorum li-
terarum promoueat. 105.
Examinatorũ iudicia in
libro notet. 100. *Qui in*
aliquo loco male se gerner,
ibid. *iuuados curet, preui-*
quam aliò mittantur. 7.

R

*R*ecreatio *quædam*
quomodo transigenda.
76. Et eius sermonum
materia. 77. *Sacramenta*
visitandi consuetudo. *ibid.*
Reliquiaria pretiosa Nostrum
non permittenda 9 *etiam*
aurei valorem non ex-
dant. 73.

Renouationem vultũ præ-
cedat et aduocata recollat.
92. 93.

S

*S*acerdotum occupationes
variae 24 *qua ad spiri-*
ritum pertinent. *ibid.* *ad*
studia. 25. *ad prædicationem*
26. 27. *diuina Officia*
Missa de nocte recitanda. 2.

Sic

Scholastici à Nouitiatu ante
 biennij finem non educen-
 di. 32. quâ de re monendi
 cum educuntur. 33. quan-
 tâ curâ in Collegiis edu-
 candi. 34. Non debent ni-
 mij esse cum externis. ibid.
 ad ianuam sine expressâ
 Reſtoris licentiâ non vo-
 candi. 90. Horam habeât
 designatâ, qua Magistros
 studiorum cauſſa cõueni-
 reliceat. 91. Litteras aut
 munera dare vel accipere
 ne affueſcant ſine neceſſi-
 tate. 34. Seniorum fami-
 liaritatē & patrociniâ ne
 capient. ibid. Si lectiones
 ſcribere non poſſunt, pe-
 cunia à Collegio ſuppedi-
 setur. 8. quomodo iuuandi
 qui ſpiritu languēt. 35. ad
 indifferentiam excitandi.
 ibid. triidũ ante uotorum
 renouationē ſe recolligāt.
 92. 93. Scholaſticorũ heb-
 domadaria recreatio domi
 vel in pradio quomodo in-
 ſtituenda. 92. quando illis
 vernaculâ uſiliceat. 104.

Secretario tantũ Societa-
 tis communicantur liſte-
 ra ſoli ſcripta. 44.

Silentij ſeruandi ratio. 71.

Socy cum delectũ assignandi.

85. monere Superiortē de-

bent ſi quid à Confeſſariis
 contra Regulam xvij. ſiat
 Sacerdotum. 19. 85. 87.
 Idem in omni aliâ Viſita-
 tione prandium. 89. ſoli
 relinqui non debent, ne
 ſint ipſi ſine teſte. 19. facile
 à Superiore dandi, cum ad
 iuuandum proximum pe-
 tuntur. 28.

Socij Procuratorum præter-
 quam in rebus officiij pro-
 priis ſoli non cant. 37. 38.
 Spiritus ſtudium quibus
 modis excitetur, & pro-
 moueatur. 65.

Superiores locales omnium
 neceſſitati prouideant, ne
 ſuperſtuis detur occaſio. 7.
 8. Conſcientia rationē pa-
 ternē exigant. 55. Secreſi
 ſidem in eâ diligenter ſer-
 uent. 56. politicam agendi
 rationem caueant ipſi, &
 in aliis. 75. Preſentum re-
 rum ſpiritualium ſuſpe-
 ctum ne habeant. 53. In
 exhortationibus pœnitentia-
 rum ſecretarium uſum
 excitent. 74. de recreatio-
 ne agant fructuoſe tranſi-
 gendâ. 78.

Erga Scholaſticos curare qua
 debeant. 34. 35. horam il-
 lis præſcribant, quâ Ma-
 giſtros priuatim conuenire
 poſſint.

- possint. 91. si qui lectiones scribere non possunt, curent ut Collegij sumptibus describantur. 8.
- Coadiutores temporales frequenter alloquantur. 37. conferentias ad illos habeant. ibid. caueant ne ab aliis contemnantur 38.
- Prius consultent, quam de re aliquâ scribant ad Prouincialē, aut ad Generalem. 41. 42. Consultationis tempore legat aliquid ex regulis vel ordinationibus. 94. singulis mensibus legat Memoriale à Prouinciali relictū. ibid. primâ mensis hebdomadâ cōsulet de executione. 96.
- Vitiorum lingua auctores inquirāt & puniant. 72. dandi & accipiēdi facultatem generalē non facili cōcedant. 69. 70. pœnitētiis errata castigent. 98. in cibus Concionatorum non dispensent inconsulto Prouinciali. 14. cū ali- quis aliō migrat; informet de eo Loci Superiorem 7. Videant quomodò seruentur in Ecclesiâ qua de Confessariis statuta sunt. 87. Regula xvij. Sacerdotum & aliarum qua ad feminas spectant obseruationē curare ut debeant. 18.
- Superiores in officio nimis remissi, ab eo remouendi. 98.
- Superiorū occupationes propria. 28.
- Syndici Confessariorum. 17. 87. in recreatione. 78.
- T
- Theologicorum actuum qui iudices 104.
- Toni cum fructu fieri qui possint. 12. 13.
- V.
- Vestes duplices, & itineris instrumenta in cubiculus ne sint 8.
- Viatica Nostrorum qualia esse debeant. 7.
- Visitationes inutiles resecanda. 66.
- Vota renouaturi triduo se ante recolligant. 92. 93.

F I N I S.

AO 1471222